

精校
大字
漢魏叢書九十六種


上海大通書局發行
武進唐鉅著

14
3148
10



4
3148
10

十六國春秋目錄



前趙錄劉曜 劉聰

後趙錄石勒 石宏

前燕錄慕容皝 慕容暉

前秦錄苻洪 苻健

後秦錄姚弋仲 姚襄 姚萇

蜀錄李特 李壽 李勢

前涼錄張軌 張寔 張駿 張天錫 張重

西涼錄李暠 李歆

北涼錄沮渠蒙遜 沮渠安周

後涼錄呂光 呂纂

後燕錄慕容皝 慕容垂 慕容暉 慕容雲

南涼錄秃髮烏孤 南燕錄慕容超

西秦錄乞伏國仁 乞伏熾 乞伏慕末

北燕錄馮弘

前趙錄

魏 崔鴻撰

臨川謝家蘭校

劉淵

劉淵字元海新興匈奴人先夏后氏之苗裔曰淳維世居北狄千有餘歲至冒頓襲破東胡西走月氏服丁零內侵燕代控弦四十萬漢祖患之使劉敬奉公主以妻冒頓約為兄弟故子孫遂冒姓為劉氏建武初入居西河美稷後漢中年單于羗渠使子於扶羅將兵助漢討平黃巾會羗渠為國人所殺於扶羅以其眾留漢自立為單于屬重卓之亂寇掠太原河東屯於河內於扶羅死弟呼廚泉立以於扶羅子豹為左賢王即元海之父也魏武分其眾為五部以賢王豹為左部帥其餘部帥皆以劉氏為之大康中改置都尉雖分屬五部皆家於晉陽汾澗之濱豹妻呼延氏魏嘉平中祈子於龍門有一白魚頂有一角軒轅躍鱗而至祭所久之乃去巫覡皆異之曰此嘉祥也其夜夢所見魚變為人左手把一物大如雞子光景非常授呼延氏曰此是日精服之生貴子寤以告豹豹曰吉徵也自是十月而生淵淵生左手有文曰淵海遂以為名幼而好學不啻晝夜嘗謂同門生朱紀范隆等曰吾每觀書傳常鄙隨陸之無武絳灌之無文一物之不知固君子恥之也二生遇高皇不能建封侯之業兩公屬太宗不能開庠序之



91-0607

美惜哉於是文學武事並皆工絕援臂善射臂力過人身八尺四寸鬚長三尺餘當心有赤毫毛三根長三尺六寸
太原王渾虛襟友之命子濟拜焉咸熙中為侍子在洛陽晉文帝深待之時東萊王彌等皆憑結渾又屢言之晉帝
帝召見與言大悅之后謂王濟曰劉元海容貌風儀談鑿智雖金日磾無以加也會父豹卒帝以淵代為左部帥
轉寧朔將軍監五部軍事大安中惠帝失政諸王迭相殘廢州郡奸豪所在蜂起從祖北部都尉左賢王劉宣等
議曰今司馬氏骨肉相殘興復在此時矣左賢王淵姿器絕人幹宇超世天若不恢崇單于終不虛生此人也於是
共推劉淵為大單于劉淵曰當為宗岡峻阜何能為塔樓乎夫帝王豈有常哉大禹生於西戎文王生於東夷顧惟
德所授耳今見眾十餘萬皆一當晉十鼓行推亂晉猶拉拈耳上可成漢高之業下不失為魏武何呼邪韓足道哉
宣等稱善元熙元年遷於左國城晉人東附者數萬宣等上尊號淵曰今晉氏猶在四方未定可仰尊高祖法且稱
漢王權停皇帝之號待宇宙混一當更議之十月為壇南郊即漢王位改晉永興元年為元熙元年大赦天下追
尊劉禪為孝懷皇帝立高祖以下三祖五宗之神主而祭之置百官以劉宣為丞相拜授各有差四部之東萊王彌
起兵青徐遣使來降拜鎮東大將軍青州刺史東萊郡公四月汲桑叛自稱趙王選置州郡十一月石勒及胡部等
帥眾來降永鳳元年七月鳳凰集於蒲子丞相劉宣等六十四人上尊號十月僭即皇帝位於南郊大赦改元以衛
軍和為大將軍撫軍總為車騎大將軍建武曜為龍驤大將軍河瑞元年遷都平陽汾水得玉璽大赦改元二年以
大司馬梁王和為皇太子八月淵寢疾以劉洋為太尉延年為太宰司徒總為大司馬大單于並錄尚書事置單于
于平西薨于光極殿太子和即位聰自西明門攻斬和於西室九月葬淵于永光陵謚曰光文皇帝廟號高祖

劉聰

劉聰字元明一名載淵第四子母張夫人孕夢日入懷寤而告淵淵曰吉徵也自是十五日而生聰夜有日光之異
左耳有一白毫長二尺餘幼而聰悟究通經書百家之言孫吳兵法靡不誦之援臂善射彎弓三百斤臂力驍捷冠

絕一時永嘉四年僭即帝位於光極前殿大赦改元光興元年以衛尉呼延晏為使持節前鋒大都督配禁兵二萬
七千自宜陽入洛川命東萊王彌弼及鎮軍石勒進軍會之晏比及南王師前後十二敗晉師長驅圍洛陽陷之
聰兵大掠幽晉帝於端門害太子及百官已下三萬餘人於洛水北築為京觀遷帝及太后侍中庾珉等于平陽
大赦改元嘉平元年二月內晉帝進號儀同三司會稽郡公聰引帝入燕謂曰卿為豫章王時朕曾與王武子相造
武子示朕於卿卿言聞其名久矣以卿所作樂府歌文示朕謂朕曰聞君善為辭賦試為看之朕時與武子俱為盛
德頌卿稱善久之又引朕射于皇堂朕得十二籌卿與武子俱得九籌卿贈朕柘弓銀硯頗憶否帝曰臣安敢忘之
但恨爾日不早識龍顏耳聰曰卿家骨肉相殘何其甚也帝曰此殆非人事皇天之意也大漢將應乾受歷故為
陛下自相驅除耳且臣家若能奉武皇之業九族敦睦陛下何由得之三年春正月晏於光極前殿逼晉帝行酒庾
珉王烏等起而大哭聰惡之二月丁未懷帝崩于平陽於是誅珉等三月立貴嬪劉氏為皇后四月愍帝即位於長
安車騎曜等攻長安河東地震雨下平陽建元元年正月黑霧四塞人如黑五日而止辛酉時日落地三月相承出
於西方東行平陽地震崇明觀陷為池水赤如血赤氣至天有赤龍奮迅而去流星起於牽牛入紫微龍形透迤其
光照地落于平陽北十里視之則肉臭聞於平陽長三十步廣二十七步肉旁常有哭聲晝夜不止聰甚惡之於未
劉后產一蛇一虎各害人而走尋之不得頃之見在隕肉之旁己丑劉氏卒乃失此肉哭聲亦止十一月以晉王粲為
四相大單于總百揆十二月宣光陵石人皆行數步宮中鬼哭聲武庫限入地一丈五尺聰自去冬至是遂不復受
朝賀軍國之事一決于粲立市於后庭與宮人晏戲或三日不醒秋七月河東大蝗唯不食粟豆司隸靳準率部民
收而埋之哭聲聞於十餘里后乃攢土飛出復食黍豆大司馬曜攻陷長安外城九月大與粲交于宮門有彘著進
賢冠昇聽御座天冠武冠帶綬與粲並昇俄而闕死殿上宿衛莫有見其入者長安饑甚死者過半粲允為粥以供
帝膳帝泣曰今窘厄如此外無救援勢不自知乃使侍中宋敞奉牋降曜敬隨使者至帝肉袒牽羊與觀嚙壁出降

東門曜受壁焚櫬遷怒帝及司徒梁汾驃騎麴允等諸臣百餘人至於平陽聽臨光極殿帝稽顙與麴允伏地大哭扶不能起聽大怒允自殺以帝為光祿大夫懷安侯以大司馬曜假黃鉞大都督陝西諸軍事太宰秦王二年正月東平王約卒十一月聽校獵上林以晉帝行車駕大將軍戎服執戟前導行三驅之禮觀者皆指帝曰此故長安天子聚而觀之故老亦有悲泣者十二月大饗于光極殿聽欲觀晉臣之意使帝行酒洗爵更衣使帝執蓋多有涕泣或有失聲者尚書郎羊賓起而抱帝大哭引出斬之戊戌愍帝崩於平陽三年聽所居螽斯則百堂災焚其子會稽王哀已下二十有一人聽聞哀塞自此鬼哭宮中至于九月夜聲不絕四月尚書令王愷崔懿之等極諫聽大怒收監等殺之秋七月鬼哭於光極殿聽畫見東平王約甚惡之徵秦王曜為丞相錄尚書事固辭仍以丞相領雍州牧靳準為大司空領司隸校尉癸亥薨于建始殿甲子祭即位大赦改元漢昌并宣光陵諡曰武皇帝廟號烈宗八月以丞相曜為相國大都督司空靳準為大將軍領尚書事築荒航就酒色遊宴后庭軍國之事一決於準準遂勒兵入宮執築數而殺之追謚靈帝劉氏無少長男子盡刑于市發掘二陵焚燒宗廟鬼大哭聲聞百里準自號漢大王置百官遣使稱藩于晉相國曜自長安赴難 永嘉元年十二月大將軍東平王約卒一指猶煖遂不殯斂至甲戌乃蘇言見淵於不周山經五日遂復從至崑崙山三日而復反於不周見諸王公卿將相死者悉在大有人民宮室壯麗號曰蒙珠萬國謂約曰東北遮須夷國無主久待汝父為之汝父二年當來后國中大亂相殺害吾家死亡畧盡但可永明畫數十人在耳汝但還后年當來見汝不遲不久約拜辭而歸道過一國曰猗尼渠余國引約入宮與皮囊一枚曰為吾遺漢皇帝約辭而歸謂約曰劉郎后年來必見過當以女相妻約歸置皮囊於機下俄而蘇謂左右曰機上取囊來左右取得開有一方白玉題文曰猗尼渠余國天王敬信遮須夷國天王歲在攝提當相見馳使奏呈聽曰若當如此吾不懼死也及聽以戊寅歲薨與此玉并葬焉

劉曜

劉曜字永明淵之族子少孤見養於淵幼而聰慧性拓落高亮與眾不群鉄厚一寸射而洞之身長九尺三寸手垂過膝生而眉白目有赤光鬚不過百餘根皆長三尺光初元年十月太保呼延晏等自平陽來奔上尊號於曜偕即皇帝位十二月靳準左右軍騎喬太王騰等殺準奉六璽來降二年夏四月徙都長安立子熙為皇太子六月繕宗廟社稷南北郊于長安令曰蓋王者之興必禘始祖我皇家之先出自夏后居于北夷世跡燕朔光文以漢有天

下歲久恩德結於庶民故立漢祖宗之廟以懷民望昭武因循遂未後革命欲除宗廟改國號御以大單于為太祖其議以聞於是太保呼延晏等議曰今宜承晉母子傳號以光文本封盧奴中之屬城陛下勲功茂於平洛終 中山中山分野屬大梁趙也宜革稱大趙遵以水行曜從之於是以冒頓配天淵配上帝三年五月西明門內大樹風吹折經一宿樹檢檢變為人形髮長一尺鬚眉三寸皆黃白色有斂手之狀亦有兩腳着履之形唯無目鼻每夜有聲十日而生柯條遂為大樹枝葉其茂四年將於霸陵西南營壽陵侍中喬豫和苞上疏諫曰臣等伏聞勅旨將營建壽陵周圍四里下深二十五丈以銅為棺槨黃金飾之臣聞堯葬穀林市不改肆顛頊葬高陽下不及泉聖王之於終也如是秦始皇下銅三泉周輪七里身亡之後毀不旋踵閻王之於終也如此後喪亂以來漢帝諸陵咸見踐辱唯霸陵獨全此雖太宗之遠至然抑亦釋之功興亡奢儉烟然於前唯陛下覽之曜大悅終南山崩所得白玉方尺有字曰皇王皇亡敗趙昌以為己瑞郡臣咸賀中書監劉均曰山崩石壞國傾亂皇王皇亡敗趙昌者此言皇室將為趙所敗趙因之而昌大趙都於秦雍而勒跨全趙趙昌之應當在石勒不在我也曜憮然改容五年曜后羊氏卒故晉惠后也洛陽之陷納之六年正月天裂廣一丈餘長五十丈十一月七月石虎率眾四萬人寇擾河東進蒲坂曜選中外精銳自潼關北濟虎懼引師而還曜追而敗之枕尸一百餘里虎奔朝歌遂攻石生於金墉分遣諸將攻討汲郡河內十二月勒自帥眾拒之陣於洛西曜性少醜酒末年尤甚將戰飲數斗常乘赤馬無故踴頓乃乘小馬北出復飲斗餘至西陽門搗陳就平勒將石堪因而乘之師遂大潰曜昏醉奔退而馬陷石渠墜於冰上為堪所

執勒將還襄國喻暉使與太子毗書令速降暉但勒毗與諸臣匡維社稷勿以吾易意建平末為勒所殺十二年正月太子毗太司馬南陽王肩等議欲西保秦州遂相率奔上邽石虎乘勝追戰枕尸千里上邽潰虎執毗及王公已下三千餘人皆殺之自劉淵建號西河至是二十有六載

後趙錄

魏 崔鴻撰

石勒

石勒字世龍上黨武鄉羯人父周易朱勒生時赤光滿室白氣自天屬於庭中長而壯健有膽力雄武好騎射幼而力耕每聞鞞鐸之聲或在前後歸以告其母母曰作勞耳鳴非不祥也會并州刺史司馬騰執諸胡山東賣充軍實將詣冀州兩胡一初勒亦在中東至中原賣與在平人師懼為奴每夜於野嘗聞鼓角之聲諸奴亦聞歸以白懼懼奇而免之隣於馬牧率汲桑往來勒以能相馬自託於桑而傭於武安臨水為遊軍所囚會有羣鹿旁過軍人競逐之勒乃獲免俄而見一老父謂勒曰向羣鹿者我也君應為中州主故相救耳勒拜而受命遂招集王陽慶安等十八騎復東如赤龍諸苑中乘宛馬遠掠繒寶以賂汲桑永興元年關東所在盜起二年陽平人公師蕃等自稱將軍起兵趙魏眾至數萬勒與汲桑率牧人乘苑馬數百騎以赴之桑始命勒以石為姓以勒為名永嘉元年勒歸劉淵拜為輔漢將軍晉平王淵薨聽襲位劉曜王彌圍洛陽勒帥精騎二萬會之王彌既平洛陽將先誅勒勒請彌燕于已營手斬彌而并其眾將軍郭默獲沙門竺浮圖澄以其有道術進之於勒試之有效其尊重之前趙嘉平二年張賓說勒曰邯鄲襄國趙之舊都依山憑險形勢之固可據此二邑而都然後命將四出投以奇略王業可圖石勒於是進據襄國聽授勒都督幽冀并營四州諸軍事冀州牧進封本郡公邑萬戶二年以征虜將軍為魏郡太守鎮鄴三臺篡奪之謀兆於此矣前趙嘉麟元年劉琨遣姚澹帥眾來討勒與戰澹軍大敗琨長史李宏以并州來降七月

劉聰疾甚以勒為大將軍錄尚書事受遺輔政勒固辭乃止劉暉稱尊號將授勒太宰大將軍加九錫增封十郡并前二十郡出入警蹕如曹公輔漢故事暉聞平樂之言停太宰之授勒大怒曰趙王趙帝孤自取之名號大小豈爾所呼耶征虜虎與左右長史張敬張賓等上號曰大司馬雖位冠九台非伯者之號請改稱大將軍大單于領冀州牧趙王在鄴故事以二十四郡戶二十九萬為趙國十一月勒即位改元稱為趙王元年始建社稷立宗廟王書司典胡人出入重其禁法不得侮易衣冠華族號胡為國人二年令曰國人不聽報嫂及在喪婚娶至於燒葬令如本俗八月始置軒懸之樂八佾之舞作金銀大輪黃屋左纛天子禮樂於斯備矣三年黎陽民陳武妻產三男一女上書自陳令曰昔周之興也四乳八子今武妻一乳四子可謂度過姬祥美加曩日其賜乳婦一人穀百石雜糴十四疋庶以肅迎嘉祥冬十月勒親與鄉老齒坐權飲語及平生勒曰李陽壯士也孤方取之何以不來父老歸語令速來滹麻池之忿是布衣之恨孤方崇信于天下寧讐匹夫乎令曰武鄉吾之盡沛也其復之三世十一月李陽至勒與酣謔引陽臂笑謂之曰卿雖老臂中猶有力頗復與人鬥孤往日厭卿老拳卿亦飽孤毒手因賜里第一區拜為都尉陽與勒隣居歲長年滹麻池迭相毆擊四年二月拜子宏為世子勒雅好文學雖在軍旅之中常令儒生讀春秋史漢諸傳而聽之聞酈食其勸立六國石大驚曰此法當失何以得成天下至留侯諫乃曰賴有此侯耳其天資英達如此八年八月脩三臺三月以世子衛將軍宏鎮鄴大和十年劉曜圍洛陽襄國大震勒統步騎四萬赴金墉濟自大碣先是流漸風猛軍至冰泮清和濟畢流斯大至勒以為神靈之助命曰靈昌津戰於西門曜軍大清石堪執曜送之二年曜子熙等去長安奔于上邽車騎虎冠上邽遣主簿趙封奉傳國玉璽送之秦隴西建平元年二月車騎石虎等上尊號勒不許固請勒號趙天王行皇帝事大赦八月羣臣又固請以名位不正宜即尊號九月僭即皇帝位大赦改年正月勒南郊有白氣自壇屬天勒大悅四月勒如鄴議營新宮廷尉續咸諫曰臣聞唐虞之治采椽茅次土階三尺美彰于詩書漢文惜百金不營露臺稱之於千古迨夏商之瓊臺瑤陛楚章華秦阿房資財內

十六國春秋

十六國春秋

四

竭華夷外叛勒詔曰且勅停作以申吾直臣之氣九月以太尉中山王虎為大司馬程遐開府議同是月大霖雨中
山西北暴水漂流巨木萬餘根集于堂陽勒大悅謂公卿曰此非為災天意欲吾營都耳於是營之勒以成周漢
晉舊京欲有移都之意乃命洛陽為南都置行臺治書侍御史于洛陽三年正月大饗于建德殿酒酣勒謂徐光曰
朕方自古開基何等主也光對曰陛下神武籌略邁於高皇雄藝超絕魏武三五以來無可比也其軒轅之亞
乎勒笑曰人豈不自知卿言亦已太過朕若逢高皇當北面而事之然猶與韓彭競戰而爭先耳倘遇光武當並驅
于中原未知鹿死誰手大丈夫行事當量暑落落日月皎然終不能如曹孟德司馬仲達欺他孤兒寡婦狐媚以
取天下也朕在二劉之間耳軒轅豈所擬乎羣臣皆稱萬歲四年雍州刺史石生上言西鄉行死蛇鼠鬪於安定府
間二日蛇死臨涇馬生角長安城中鷄鳴音皆曰基慈安定廳事前後聞誦書聲求之不得七日乃止隕石于肥鄉
六月勒寢疾召中山王虎太子宏中常侍嚴震等侍疾禁中七月薨于西閣偽諡明皇帝號高祖

石宏

石宏字大雅勒第二子母程夫人右光祿遐之妹建平元年立為太子虛裕愛士好為文詠其所親昵莫非儒素勒
謂徐光曰大雅憎憎殊不似將家子光曰漢祖以馬上得天下孝文以元默守之聖人之後必世勝殘天之道也勒
大悅程遐言於勒曰中山怏怏不可以輔少主乞早除之以便大計勒不從勒薨虎執政臨軒召子冀州刺史遂兵
入禁宿衛文武無不奔散宏懼策拜中山王虎為丞相以十三郡封為魏王又加九錫虎偽讓后乃受之延熙元
年七月改頓邱為魏國沿魏郡至黎陽十月宏齎璽親詣魏公喻禪意虎曰宏昏昧愚暗處喪無禮不可以君臨
萬國奉承宗廟便當廢之云何禪讓十一月廢宏為海陽王宏就車色色自若幽宏及程后南陽王恢于崇訓宮
尋殺之時年二十二

石虎

石虎字季龍勒之從子勒父朱紉而子之故或謂之勒弟晉永興中與勒相失嘉平元年劉琨送勒母王及虎于葛
陂時年十七性殘忍好馳獵諠遊無紀度尤善彈數彈人軍中每患之勒白王曰此是凶暴無使軍人殺之聲名可
惜宜自除也王曰快牛犢子小時多能破車為復小忍勿怯之至十八檢攝恭謹嚴重愛士弓馬迅捷勇冠當時勒
深喜焉拜征虜將軍性酷虐無道軍中勇幹策略與己侔者輒因事害之至於降城陷壘坑斬士女鮮有遺類勒屢
加責誨而行意自若然御衆嚴而不煩莫敢犯者指授攻討所向無前故勒寵信彌隆仗以專征之任既廢殺宏稱
居攝趙天王建武元年正月大赦改元虎荒遊廢政外耽營繕使太子還省者以書奏事選守牧祀郊廟惟征伐刑
斷乃親覽之三月南遊臨江而還東大震是日觀省臺城賜匠有差九月遷都鄴宮二年徙洛陽鐘震九龍翁仲
等子鄴是歲太武殿東西宮皆就太武殿基二丈八尺下穿伏室置衛士五百人於其中東西七十五步南北六十
五步比屋漆瓦金箔銀楹金柱珠簾玉壁窮極伎巧起靈風臺九殿於顯陽后選召百官州郡民女以充之后庭服
綺縠玩珍奇者萬餘人內置女官十八等教宮人星占及馬步射置女太史於靈臺仰觀災祥以考外太史之虛實
禁郡國不得私學星識左校令成公段造庭燎于崇杠之末高十餘丈上盤置燎下盤置人絙繳上下虎試而悅之
二年太保安慶等文武五百九人上皇帝尊號安等方入而庭燎油灌下盤死者七人虎大怒腰斬成公段于閭闔
門即天王位南郊大赦親王貶為郡公藩王為縣侯太子遂總百揆其后荒酒淫色驕恣無道或盤遊於田懸管而
入或夜百騎宿于宮臣家淫其妻妾裝飾宮人美淑者斬首洗血置於盤上傳共視之又納諸比邱尼有姿色者與
其交褻而殺之合牛羊肉煮而食之亦賜左右欲以識其味也虎荒耽內遊威刑失度遂以事為可或呈之虎怒曰
小事何足呈也時有所不聞復怒曰何以不呈請責杖捶月至再三遂甚愠私謂中庶子李穎等曰官家難稱吾欲
行冒頓之事卿從我乎穎等伏不敢對事發幽遂于東宮殺之及妃張氏并男女二十六人盡賜死合一棺埋之誅
其宮臣友黨二百餘人立河間公宣為太子建武六年追尊號考樂平敬公為太宗孝皇帝八年六月上黨孟昺上

有神人之像坐于山上三日而去虎遣使以太牢祀之九年十二月武鄉送雄虎變為雌產一狼子曰噬虎腦而殺之
之后三日狼子亦死佛圖澄聞之流涕十年虎起河橋於靈昌津採石為中濟石無大小輒隨流用工五百餘萬不
成虎如靈昌津沉壁告誡壁浮於渚水波上騰津所殿觀莫不傾壞壓死者百餘人虎志甚斬工匠而還十一年發
雍梁十六萬人成長安未央宮又發司隸荆兗二十六萬人成洛陽宮十三年二月虎親耕籍田于桑梓苑十四年
三月虎夢龍飛西南自天落地旦而問澄公公曰禍將至矣陛下宜入慈子和深以慎之四月秦公韜起宣光殿于
太尉府梁長九丈太子宣視而惡之斬匠截梁而去韜怒增之十丈宣聞之甚其謂楊祚成等曰韜凶豎悖逆敢
違我如是汝等能殺之者吾入宮盡以韜之國分封汝等韜既死主上必親臨喪因行大事無不濟矣楊祚等許諾
八月殺韜宣奏之虎哀絕久之乃蘇召太子宣鏢繫于郊北火焚殺之議立太子於東堂虎曰吾欲以純灰三斛洗
君服穢惡故生凶子兒年三十便欲殺父今世乃十歲比其二十五已老矣齊公世為皇世子立昭儀劉氏為皇后
十一月享群臣於太武殿前佛圖澄殿上寒求而行吟曰棘子成林將壞人衣虎發石而視之有棘子生焉冉閔小
字棘奴也十二月辛巳雷大霖雨虎問佛圖澄澄曰其為我子至戊子而澄卒大寧元年正月虎偕即皇帝位于
郊大赦改年二月有沙門從雍州來稱見佛圖澄西入關虎掘之無尸唯一石虎惡之曰石者朕也葬我而去吾
將死矣因而寢疾四月薨於金華殿晉書曰李龍始咸康元年僭位立此太和六年凡在位十五年世子即位尊劉后為太后彭城王遵先鎮關石
至是勤兵而還戎卒九萬次於湯陰石閔為前峰都督太后命授遵丞相加九錫增封十郡己丑安陽亭費甲曜
兵入自鳳陽門升太武前殿盡哀退如東閣看臣敦勸即位大赦封世為譙王邑萬戶廢太后劉氏為昭儀尋殺
之世立凡三十三日尊其母鄭氏為皇太后立妃張氏為皇后大司馬義陽王璽為太傅沛王冲為太保石閔為都
督中外諸軍事錄尚書事甲午太武殿災諸門觀閣湯然其乘御服燒者大半光燭照天月餘乃滅己未雨血周徧
鄴城六月葬虎顯原陵偽諡武皇帝廟號太祖十一月石閔劫司空李農及右衛王基密謀共廢遵閔使將軍蘇彥

周成帥甲士三十八人執遵於南臺如意觀導時方與婦人彈碁問周成等曰反者誰也成曰義陽王璽當立遵曰
我尚如是汝等立璽復能幾時遵殺之于琨華殿誅鄭太后張皇后遵字大祗虎第九子凡在位者百八十三日璽
即位大赦以石閔為將軍封武德王李農為大司馬璽使中書令李松殿中將軍張才等夜誅閔農等于琨華殿不
克禁中擾亂璽偽不知夜斬松等於西中華門龍驤將軍孫伏都劉錫等結羯士三千人伏于胡天亦欲誅閔等
時璽在中臺伏都帥二十餘人將升臺挾璽以攻之璽見而問其故伏都曰閔農等及已在東掖門臣嚴帥衛士謹
先啓知璽曰卿好陳力勿憂無報也伏都等攻閔不尅閔農攻斬伏都等自鳳陽門至琨華橫尸相枕諸胡羯無少
長者斬之死者二十餘萬人于時高鼻多鬚至有濫死者初青龍元年正月石閔欲滅二石之號議曰孔子曰易
姓而王七月者七十有三國繼趙李識書炳然且德星鎮衛宜改號大魏易姓李氏又大赦閏月改元廢璽殺之誅
虎孫三十八人盡殫石氏鑿在位一百二日鑿字大郎虎第三子也

石閔

石閔字永曾虎之養孫也父瞻字宏武本姓冉名良魏郡內黃人其先漢魏陽騎都督累世牙門勒破陳午於河內
獲瞻時年十二長而勇悍便弓馬臨陣不顧勒奇之曰此兒壯健可嘉命虎子之歷位左積射將軍封西華侯閔幼
而果銳虎撫之如孫及長身長八尺善謀勇力絕人虎即位封為脩武侯歷位北中郎將虎之敗於昌黎閔軍獨全
由此功名大顯永興元年閏月司徒申鍾司空郎闇等四十八人上尊號於閔僭皇帝位于南郊大赦改元號稱大
魏復姓冉氏追尊祖隆元皇帝考瞻烈祖高皇帝尊母王氏為皇太后后妻董氏為皇后子智為皇太子以司馬李
農為太宰諸子皆封縣公新興王祗閔石鑿之死稱尊號於襄國改年永寧石祗遣相國汝陰王石琨帥眾十萬伐
鄴六月進據邯鄲閔盡眾拒之琨軍大敗二年三月閔攻襄國百餘日祗怯乃去皇帝之號改稱趙王遣太尉張奉
乞師于慕容雋中軍張春請救于姚弋仲三月祗相國汝陰王琨自冀州救祗弋仲復遣子襄帥騎三萬八千雋遣

將軍悅帥甲士三萬勁卒十三萬四方攻之祇衝其後閔師大敗閔與千萬騎奔還鄴祇使劉顯帥眾十萬追奔伐鄴閔盡眾出戰大敗之追奔至於陽平顯懼密使請降求殺石祇為効四月劉顯殺祇及其丞相樂安王炳太保張舉等遣拜顯上大將軍大單于冀州牧祇炳皆虎之庶子也七月劉顯稱尊號襄國三年二月劉顯帥眾伐常山太守蘇彥告難閔帥八千救彥敗顯于常山追奔及于襄國顯大將軍曹伏駒開門為應遂入襄國誅顯及其公卿已下百餘人焚襄國宮室遷其民于鄴三月慕容儁已尅幽薊略地至於冀州閔帥騎擊之與慕容恪遇於魏昌城恪方陣而前閔眾寡不敵所乘赤馬曰朱龍日行千里潰圍東奔行二十餘里馬無故而死遂為恪所擒送之于薊為立閔而問之曰汝奴僕下才何敢妄稱天子閔曰天下大亂爾曹夷狄人面獸心尚欲篡逆我一時英雄何為不可作帝王耶儁怒鞭之三百遣慕容評帥眾圍鄴五月送閔於龍城告鹿野廟而殺之鄴中饑人相食虎時宮人被食略盡冉智尚幼將幹遣詹事劉猗奉表降儁八月長水校尉馬願龍驤將軍田香開門降評將幹懸縊而下奔于倉垣評送閔后董氏太子智太尉申鍾及諸王公卿于薊初慕容儁斬閔于逼陘山山左右七里草木悉枯蝗蟲大起自五月不雨至于十二月儁遣使者祀之謚曰武悼天王其日大雨雷是歲太和八年也

前燕錄
魏 崔鴻 撰

慕容廆

慕容廆字奕洛環昌黎棘城人昔高辛氏遊於海濱留少子厭越以君北夷世居遼左號曰東胡秦漢之際為匈奴所敗分保鮮卑山因復以為號曾祖莫護跋魏初率其諸部入居遼西從司馬宣王討公孫淵有功拜率義王始建國於棘城之北見燕代少年多冠步搖符意甚好之遂欲襲襲冠諸部因呼之為步搖其後音訛遂為慕容焉祖木延左賢王從母止儉征高麗有功加號大都督又涉歸以全柳城之勳進拜單于遷邑遼東於是漸變胡風自云慕

二儀之德繼三光之容遂以慕容為姓廆身長八尺有大度晉安北將軍張華一見奇之謂曰君後必為命世之器匡難濟時者也涉卒弟耐立將謀殺廆廆亡潛於遼東徐郁家太康元年國人殺耐迎廆立之太康十年又遷于徒河之青山元康四年定都大棘城所謂紫蒙之邑也永嘉六年王浚承制以廆為散騎常侍冠軍將軍前鋒大都督大單于皆讓不授擢舉賢才官方授任魯國孔慕宿德清望請為賓友平原劉讚儒學該通引為東庠祭酒其世子孰率國曹受業焉大興四年晉遣謁者拜廆使持節督幽平東夷諸軍事車騎將軍平州牧封遼東郡公丹書鉄券承制海東咸和元年加侍中位特進八年夏五月薨于文德殿年六十五葬於青山晉遣使者贈車騎大將軍開府儀同三司謚襄公孰為燕王追謚武宣王儁稱尊武宣帝廟號高祖

慕容皝

慕容皝字元真廆第二子小字萬年長七尺八寸雄毅善權畧博學多材藝晉建武元年振武將軍永昌初拜左賢王太宰末拜平北將軍朝鮮公咸和八年六月即遼東公位行平州刺史督攝部內九年八月晉遣謁者拜孰鎮軍大將軍平州刺史大單于遼東公承制一如廆故事七年七月立子儁為世子四年以左司馬封奕為長史九月奕等以孰任重位輕宜稱燕王於是上議十月偕即燕王位于文德殿大赦境內改備群司以封奕為相國追尊先公為武宣王先妣為王后起文昌殿出入警蹕立夫人段氏為王后世子儁為太子是歲棘城黑石谷有大石自立而行八年七月晉使鴻臚郭忱持節拜孰侍中大都督河北諸軍事大將軍燕王其餘官皆如故封諸功臣百餘人九月遷都龍城十二年四月黑龍一白龍一見于龍山孰率羣寮觀之去龍二百步祭以太牢二龍交首嬉翔解角而去孰大悅赦境內號新宮曰和龍立龍翔佛寺于山孰雅好文籍親造太上章以代急就又著典誡十五篇並以教胄子十四年孰親臨東庠考試學生其通經秀異者擢充近侍十月饗羣僚于承乾殿右長史宋謗性貪賜布百疋令自負而歸以愧其心十五年八月孰因見白兔馳射之馬倒被傷輦而還宮引太子儁囑以後事謂曰今中

原未平方建大事委賢任哲此其時也恪智勇無濟力堪任重汝其委之以成吾志九月薨於承乾殿年五十二冬十月葬龍山謚文明王雋稱尊道尊曰文明皇帝廟號太祖陵曰龍平

慕容雋

慕容雋字宣英號第二子小字質賴跋十二月而生有神光之異身長八尺一寸善為文雅好辭賦至於器物車室皆著讚以為勸戒號之八年晉遣使者拜號燕王以雋為安北將軍東夷校尉十一年進拜使持節鎮東將軍號薨即燕王位故其境內依春秋列國故事稱元年正月聞趙魏大亂乃嚴兵將為進取之計七月晉使謁者陳沈拜雋都督河北諸軍事幽冀并平四州收大將軍燕王承制封拜一如鹿號故事元重元年正月司南車成雋大悅告于號廟四月遣輔國恪相國亦討冉閔戰于魏曰景康臺閔師大敗擒送至關大將軍將幹輔閔子智固守鄴城遣輔弼評等帥騎一萬以討之鄴北郡縣悉降輔國亦等一百一十人勸稱尊號令曰非常之事匪宸德所宜聞也八月尅節輔弼評等送閔后董氏太子智太尉申鍾并乘輿服物及六重送于中山傳國璽將幹先以送晉雋欲神其事業言歷運在己乃詐云得之賜閔妻號奉重君封再智為海濱侯以輔弼評為同州刺史鎮鄴十月輔國恪等五百五人奉皇帝重十一月偕即皇帝位于正陽前殿大赦改年時晉遣使詰雋謂之曰還白汝天子我承人之為中國所推己為帝矣庚午書曰追崇祖考古人之令典尊武宣王為高祖武宣皇帝文明王為太祖文明皇帝二年正月立后可足渾氏為皇后升平元年正月復立中山王暉為皇太子赦其境內改年曰光壽初鹿有駸馬曰赭白有奇相逸力石虎之伐棘城號將避難欲乘之馬悲鳴蹄齒人莫能近號曰此馬見異先朝亦嘗仗之濟難今不欲出者蓋先君之旨也乃止虎尋奔退號益奇之至是年四十九歲而駸逸不虧雋比之鮑氏聰命鑄銅以圖其像親為銘讚雋勒其旁置之薊城東掖門是月像成而馬死十一月自薊遷鄴三月入鄴宮大赦繕宮殿復銅雀臺以吳王垂為東夷校尉平州刺史鎮遼東二年三月常山寺大樹自拔根出得璧二十七圭七十三光色精奇有異常雋

以為岳神之命遣尚書郎段勤以太宰祀之五月遼西獲黑兔三年三月雋夜夢石虎齧其臂寤而惡之命發其墓剖棺出屍踏而罵之曰死胡安敢夢生天子遣御史中尉楊約數其殘酷之罪鞭而投之漳水十二月雋寢疾謂大司馬恪曰吾患懷然恐不濟脩短命也復何所恨但二寇未除景茂冲幼慮其不堪家國多難吾欲追遠宋宣以社稷屬汝恪曰太子雖幼天縱聰聖必能勝殘去暴不可以亂正統雋怒曰兄弟之間宜虛飾乎恪曰陛下若以臣堪荷天下之任者甯不能輔少主也雋曰若汝行周公之事吾復何憂四年正月雋薨于應福前殿年五十三偽謚景昭皇帝廟號烈祖葬龍陵雋雅好文籍性嚴重未嘗以慢臨朝雖閑居晏處亦無懈怠之色

慕容暉

慕容暉字景茂雋之第三子元重三年封中山王尋立為皇太子光壽四年偕即帝位大赦改元建熙元年以大原王恪為太宰錄尚書行周公事專百揆上庸王評為太傅贊朝政司空陽鶩為太保吳王垂為河南大都督十州諸軍事兗州牧鎮梁國四年正月暉南郊十月太尉亦迎神於和龍初暉委政太宰恪專受經于博士王勸助教尚鋒秘書郎杜詮並以明經講論左右至是通諸經祀孔子於東堂以勸為國子祭酒鋒國子博士詮散騎侍郎其執經侍講皆有拜授八年太宰恪卒九年十二月有神降于鄴自稱相女有聲與人相接數日而去十年四月立貴妃可朱渾氏為皇后六月晉大司馬桓溫率眾五萬來伐遂至枋頭吳王垂大敗斬獲三萬餘級溫奔還淮南垂既敗溫威德彌振太傅評大不平之太后遂與評謀殺垂十二月垂出奔秦十一年六月秦輔國將軍王猛鎮南將軍楊安率眾六萬來伐以太傅評下邳王厲等帥精兵三十萬拒秦師于潞州郡盜賊大起鄴中恠異非常十月評及猛戰于潞州評敗績單騎遁還猛乘勝追奔長驅至鄴十月符堅帥眾會猛來攻拔鄴城外亂散騎侍郎徐尉等率扶餘高句麗及上黨賈民子弟五百人夜開城門引納秦師暉與太傅評左衛將軍孟高等數十騎出奔曰黎堅遣將軍郭慶帥騎五千追之及暉于高陽秦將巨武執暉將縛之暉曰汝何小人而敢縛天子武曰我梁山巨武受

詔縛賊何謂天子耶執曉送鄴堅問其奔狀曉曰狐死首邱欲歸死于先人陵墓耳堅哀而釋之令還宮率文武出降堅入鄴宮身止陽殿從曉及王公已下并諸鮮卑四萬餘戶于長安封曉新興郡侯邑五千戶尋拜尚書堅征臺城為平南將軍別部都督淮南之敗隨堅還長安既而吳王攻符不予鄴中山王冲起兵關中曉謀殺堅事發為堅所誅年三十五歲僭稱尊號為諡幽皇帝

前秦錄

魏 崔鴻撰

符洪

符洪字廣世略陽臨渭人其先有尾氏之苗裔子孫強盛世為氏酋其後家池生蒲長五丈節如竹形時咸異之謂之蒲家因以為氏焉父懷歸為部落小帥母姜氏寢產洪先是隴右大雨霖百姓苦之諺曰雨若不止洪水必起故名之曰洪年十二父卒代為部帥好學多權略善騎射屬劉氏之亂乃散千金招延俊傑戎晉極負奔之推為盟主劉聰遣使拜平遠將軍不受自稱護氏校尉秦州刺史畧陽公群氏推為首劉曜以洪為氏王及曜敗于洛陽洪率部人西保隴山石虎將軍攻上邽洪詣虎降虎親出迎拜冠軍將軍監六夷諸軍委以西方之事石虎滅石生也洪說虎宜徙關中豪傑及羌戎內實京師虎從之以洪為龍驤將軍流人都督處于枋頭累有戰功封西平郡公其部曲賜爵關內侯者二千餘人以洪為關內領侯將再閔言于虎曰符洪雄果其諸子並非常才宜密除之虎待之愈厚及石遵即位閔又以為言遵乃去洪都督洪怨之乃遣使陰召後石鑿殺遵所在兵起洪有兵十餘萬永和六年帝以洪為征北大將軍都督河北諸軍事冀州刺史廣川郡公時有說洪尊號者洪亦以讖文有草付應王又其孫堅背有草付字遂改姓符氏自稱大將軍大單于三秦王故洪謂博士胡文曰孤率眾十萬居形勝之地冉閔慕容儁可指辰而殄姚襄父子克之在吾數中孤取天下有易於漢祖矣軍師將軍麻秋說洪西都長安洪深然之已

而秋因宴鴆洪將并其眾世子健收斬秋洪將死謂健曰所以未入關者言中州可指辰而定今見困堅子中原非汝兄弟所能辦關中形勝吾亡後便可鼓行而西言終而元年六十六健僭位偽諡惠武帝

符健

符健字建業洪第三子也初母姜氏夢大熊而孕健及長勇果便弓馬好施善事人甚為石虎父子所親愛虎雖外禮符氏心實忌之乃陰殺其諸兄而不害健及洪死健嗣位去秦王之號稱晉征西大將軍都督關西諸軍事雍州刺史於是盡眾西行至盟津起浮橋以濟濟訖焚橋三輔堡壁悉降十一月八都長安於是長史賈元碩等依諸葛亮劉備故事表健為秦王元碩等為上尊號健偽讓再三乃從之皇始元年正月僭即天王位于南郊大赦改晉永和七年為皇始元年追尊父洪為太祖武惠皇帝繕宗廟社稷於長安立姜氏為天王皇后子長為天王太子親為平原公生為淮南公弟雄丞相為東海公其餘封授各有差是年夜蠶成繭野木被原百姓採野繭而衣野粟而食關西家給人足二年正月丞相雄等固請宜依漢晉兼皇王之美不可過自謙冲同趙之初號健從之僭即皇帝位于太極殿大赦諸公進爵為王立五等之封以次進之二年正月下書曰其自公卿已下歲舉賢良方正孝廉清才多畧博學秀才異行各一人或獻書規諫或面陳朕過其悉以聞勿懼貴賤四年丞相東海王雄卒贈相國進封魏王諡敬武王雄字元才洪之季子也建武中拜龍驤將軍雄頭大足短故軍中稱為大頭龍驤健甚重之曰元才吾之姬旦五年四月立淮南王生為皇太子六月健寢疾引太師兼尊丞相雷弱兒太傅毛貴司空王隨等囑以後事受遺輔政乙酉薨于太極前殿年四十九葬厚陵偽諡明皇帝廟號世宗永興初追尊曰景明皇帝號高祖

符生

符生字長生健第三子幼而麓暴昏醉無賴祖洪甚惡之無一目七歲洪戲之問侍者曰吾聞瞎兒一淚信乎侍者曰然生怒引佩刀自刺出血曰此亦一淚耶洪大驚鞭之生曰性耐刀刺不堪鞭捶洪曰汝為不已爾吾將以汝為

莫鬼也

十六國春秋

奴生曰可不如石勒也及長力舉十鈞走及奔馬皇始五年借即皇帝位大赦改年群臣奏先帝晏駕甫爾不宜改號生怒不從窮推議主壽光元年七月殺右僕射段純以太子門大夫趙韶為僕射太子舍人趙誨為中護軍著作郎佐董榮為尚書並以佞倖進也九月中書監胡文中書令王魚言于生曰比頗有客星雲於大角熒惑入于東井大角為帝座東井秦之分野不出三年國有大喪大臣戰死願陛下遂追周文脩德以讓之生曰皇后與朕對臨天下亦足以塞大喪之變於是殺皇后梁氏誅太傅錄尚書毛貴車騎尚書令梁楞左僕射梁安后安之女孫又誅丞相雷弱兒諸羌悉叛弱兒南安羌酋也生雖在諒闇遊飲荒淫殺戮無道蠻貊露刃以見朝臣錘鉅鋸鑿備置左右未幾后妃公卿已下至于僕隸誅五百餘人二年正月嬖臣右僕射董榮言于生曰日蝕之災宜以貴臣應之生曰唯有大司馬國之懿戚不可其在王司空生從之誅司空王隨壬戌饗食群臣于太極前殿飲酒樂奏生歌以和之命尚書令辛牢與勸既而怒曰何不強酒猶有坐者引弓矢射殺之於是百僚大懼無不引滿昏醉汚服失冠蓬頭僵仆生以為樂三年四月姚襄遣蘭等帥眾二萬七千進據黃洛生遣兵符黃眉東海王堅建節將軍鄧老等步騎萬五千以討之羌偽不勝引騎而退襄追之至于三原羌迴騎拒襄大戰獲襄有駿馬日行千里是戰也馬倒而擒之省等振旅而歸初長安謠曰東海大魚化為龍男便為主女為公問在何所洛門東海符堅封也時為龍驤將軍弟在洛門之東生荒暴日滋殘虐彌其群臣朔望漏盡詣見生曰盡于須待晏訖或曰暮而不出百僚饑寒或至申酉間方出臨朝輒怒色厲惟行殺戮或連月昏醉弗堪省覽或使宮人與男子裸交於殿前引羣臣臨而觀之或生剝牛羊驢馬活爛雞鴨三五為群放之殿中或生剝死囚面皮令其歌舞觀以為樂宗舊動親戚忠良殺害畧盡朝士奔走草野皆曰從虎口出左右得度一日如過十年至於截脛割胎拉脇鋸頭殺者動有千數生夜對侍婢曰阿法兄弟亦不可信當除之是夜清河王符法夢神告曰且將禍集汝門惟先覺者可以免之寤而心悸會侍婢來告乃與特進梁平老強汪等帥壯士數百人潛入雲龍門東海王堅與呂婆樓師麾下三百餘人鼓噪

符堅

符堅字永固健弟雄之子趙建武中母荀氏祈子於西門豹祠歸而夜夢與神交遂孕十二月而生堅有神光之異自天燭庭首有赤文隱起成字曰草付臣又土王咸陽必祕而莫之傳也恐貌魁傑臂垂過膝目有紫光祖洪奇而愛之名堅頭因而謂健曰此兒頭大重身長任大足短安下非常相趙石光祿大夫司隸校尉高平徐統有知人之鑒遇堅於路異之執其手曰符郎此官之御街小兒敢戲於此不畏司隸縛耶堅曰司隸縛罪人不縛小兒戲也統顧左右曰此兒有霸王之相後遇之統下車謂曰符郎當大貴但僕不及見如何堅曰若如公言不敢忘德八歲請就師學洪曰尚小未可吾年十三方欲求師時人猶以為速成健之入關也次于曲沃夢天神遣使者朱衣赤冠命拜堅為龍驤將軍且而為壇於曲沃健泣謂堅曰先王昔受此號汝父次為之公若復為神明所授可不勉之性至孝有器度博學多材藝年十一便有經畧大志堅既殺符生永興元年六月去皇帝之號僭稱大秦天王即位太極殿誅董龍等二十餘人改壽光三年為永興元年追尊父為文桓皇帝世子宏為皇太子兄清河王法為丞相東海公□□為永安公符侯為太尉諸王皆貶爵為公符柳為尚書令封弟融為陽平公雙河南公子丕為長樂公暉為平原公熙為廣平公李威為左僕射梁平老為右僕射屈實為丞相長史王猛為中書令侍郎權翼為黃門郎諸公卿為生所誅者悉復本官十月丞相東海公法以疑忌賜死荀太后之意也堅性友愛與法訣於東堂慟哭嘔血二年四月堅如龍門五時六月如河東祀后土八月自臨晉登龍門顧謂羣臣曰美哉山河之固雄翼對曰吳起有言在德不在險深願陛下追蹤唐虞懷遠以德山河之固不足恃也堅天悅至韓原觀晉魏顆鬼結草抗秦軍之處賦詩而歸甘露元年正月起明堂禪南北郊六月甘露降乃大赦改年八月堅下書曰咸陽內史猛吉彰出納所在

著績有卧龍之才宜入贊百揆絲綸王言可徵拜侍中中書令領京兆尹中丞鄧羗性鯁直與猛協規齊志於是百僚肅整豪右屏氣風化大行堅嘆曰吾今始知天下之有法也以猛為吏部尚書遷太子詹事十一月以猛為司隸侍中領遷如故猛上疏曰伏見陽平公融明德懿親光祿西河任羗忠貞淑慎處士朱彤博識德辨並宜左右彌綸暉贊九棘愚臣庸鄙請避賢路堅曰機務俟才允屬明哲朝野所望豈容致辭所舉融等尋別銓授于是以融為侍中中書兼右僕射任羗為光祿大夫領太子家令朱彤為中書侍郎領太子庶子三年九月鳳凰集於東關大赦其境內初將為赦與左僕射猛右僕射融密議於露臺悉屏左右堅自為赦文猛融進紙筆有一大蒼蠅入自牖間鳴聲甚天集于筆端驅而復來堅所聽之久而乃去俄而長安街巷市里民相告曰官令大赦有司以聞堅驚謂融猛曰事何從而泄於是勅外推窮之感言有一小衣黑大呼於市曰官令大赦須臾不見堅嘆曰其向蒼蠅乎聲狀非常吾固惡之四年七月黃龍見于成紀梁山崩五年白虎見天水六月遣鴻臚拜張天錫為大將軍涼州牧西平公建元元年正月雍州秀才段鐙對策上第拜吏部郎中孝廉通經者十餘人皆拜令長五年六月晉大司馬桓温伐燕次于枋頭燕師屢敗遣散騎侍郎樂崇來乞于堅請割武牢以西之地八月遣將軍苟池洛州刺史邵羌帥步騎救燕敗歸是月京兆尹王攸上書獻十略一曰君道宜明二曰臣尚忠敬三曰子貴孝養四曰民生在勤五曰教無偏黨六曰養民在惠七曰延聘者賢八曰懲惡顯善九月伐叛討逆十曰易簡宏大堅納之以攸為諫議大夫十一月燕車騎王垂奔秦桓温既走慕容暉割河滄之地以賂秦乃曰行人失辭分災救患理之常也堅大怒六年令輔國王猛帥鎮南陽安虎牙將軍張蚝建節都羌等步騎六萬討平燕翼八月猛攻剋壺關暉遣太傅上庸王評等帥四十萬屯於潞州猛覘知評貴水驚奮新不撫將士有可乘之會大笑謂楊安等曰慕容評真奴才雖億兆之眾尚不足為慮況十萬乎今破之必矣甲戌陳于渭原猛誓眾曰王景畧受國厚惠任兼內外今與諸君深入賊地宜各勉進不可退也受爵明君之朝慶賜父母之室不亦美乎眾皆勇奮破金吾毒糧大呼競進猛望評師

之眾惡之謂鄧羗曰今日之事非將軍莫可以提也成敗之機在斯一舉將軍其勉之羗曰若以司隸見與者公無以為憂猛曰此非吾所及也必以安定太守萬戶侯相處羗不悅而退俄而兵交猛召羗寢而不應猛乃馳就許之於是大飲帳中與張蚝徐成等跨馬運矛馳入評軍出入數四傍若無人塞旗斬將殺傷甚眾戰及日中燕師敗績進師圍鄴七日堅至于安陽故宅引諸耆老語及祖父舊事泣然涕乃信宿猛潛如安陽迎堅謂之曰昔亞夫不出軍迎漢文將軍何以臨敵而北百眾平猛曰臣每覽亞夫之事常謂前却人主以此而為名將竊未多之臣秦陛下神算孽垂亡之虜若摧枯拉朽何足憂也戊寅射鄴慕容暉出奔將軍郭慶執暉於高陽送之辛巳堅入鄴宮大赦閱其圖籍凡郡百五十七縣一千五百七十九戶二百四十五萬八千九百六十九口九百九十八萬七千九百三十五以王猛為使持節都督關東六州諸軍事車騎大將軍開府儀同三司冀州牧鎮鄴封清河郡侯以燕太宰恪太傅評之第盡賜之加美妾五人上女妓十人中妓三十八人猛辭堅曰昔魏絳和戎猶有金石絲竹之賞山甫翼周實受四牡之錫卿功超二子任過管葛安得辭也其敬受之無逆朕命以鄧羗為散騎常侍安定太守真定郡侯邑三千戶賞潞州之功七月七日堅如洛陽下書曰士死知己猶來格模故為公一言魏祖追勳趙司隸高平徐統往在鄴都識朕於童稚每思其殷勤之言勿敢忘也可召其孫子詣行所八年五月以高平徐攀為瑯琊太守攀統之少子以舊恩拔之也六月冀州牧猛入為丞相中書監司隸校尉猛固辭丞相改授司徒又固辭不拜乃停司徒之授四月天鼓鳴琴出於箕尾長十餘丈或名蚩尤旗經太微掃東井自夏及秋冬不滅太史令張猛言於堅曰尾燕之分野而掃東井東井秦之分害深禍大十年之後燕滅秦之象二十年之後燕當為公所滅慕容暉父子兄弟亡虜也而布列朝廷貴盛莫二且除渠帥以害皇秦若旦誅鮮卑不夕滅慕容者臣請就妖言之戮堅不納更以暉為尚書垂為京兆尹冲踢太守十年三月侍中太尉李威卒威字伯龍漢陽人荀太后姑子少與符雄結刎頸之交符生屢欲誅堅賴威之免堅深德之重威如父誅符生及法比自威與太后潛決大謀遂有辟陽之寵

雅重王猛勸堅以國事任之堅嘗謂猛曰李公知卿猶鮑叔之於夷吾子虎之於子產猛兄事之夏四月堅下書曰
 巴夷僉逆寇亂益州招引吳軍為唇齒之勢特進鎮軍將軍護羌校尉鄧可帥甲士五萬星夜赴討五月蜀人張育
 楊光等起兵二萬以應巴獠晉威遠將軍桓石虔帥眾二萬人據墊江張育自號蜀王稱藩于晉八月鄧羌敗晉師
 于涪西擊張育楊光屯於綿竹皆斬之益州平羌勒銘于岷山而還十二月羌至自成都堅引見東堂謂之曰將軍
 之先仲華過漢世祖於前將軍復逢朕於後何鄧氏之多幸羌曰臣常謂光武之遇仲華非獨仲華遭光武堅笑曰
 將軍蓋以自 非直將軍之幸亦朕之遇賢十一年正月以安車 輪徵隱士樂陵王勸為國子祭酒堅雅好文學
 英口畢集純博之精如勸也終于太子少傅五月猛寢疾堅親祈南北郊宗廟社稷分遣侍臣禱河岳諸神無不周
 備以猛少瘳殺殊死七月堅臨省疾問以後事猛曰晉僻陋吳越乃正朔相承臣歿之後願不以晉為圖鮮卑羌
 虜我之仇讐終為大患宜漸除之以復社稷言終而卒時年五十一堅哭之慟謂太子宏曰天不欲使吾平一六合
 何奪吾景略之速也贈侍中丞相餘如故諡武侯朝野巷哭三日十二年正月癸巳高陸民穿井得龜大三尺六
 寸背有八卦文命太卜池養之食之以粟四月堅下書曰涼州刺史張天錫雖稱藩受位而臣道未純可遣步兵校
 尉姚萇等自石城津伐天錫率勁勇五萬來拒戰于赤岸涼師大潰天錫率騎數千奔還姑臧天錫致牋請降于萇
 甲午大軍至姑臧天錫乘素車白馬面縛身禰降于軍門長釋縛焚襯送之長安諸郡縣悉降涼州平九月以梁熙
 為持節西中郎將涼州刺史鎮姑臧徙豪右七千餘戶於關中封天錫重光縣之東寧鄉二百戶號歸義侯拜北部
 尚書遷右僕射初萇等將征天錫堅為之立第於長安至是而居之十三年太史奏有星見於外國之分當有聖
 人之輔中國得之者昌堅聞西域有鳩摩羅什襄陽有釋道安並遣求之十七年正月不雨至于六月徹樂減膳出
 宮女以迎和氣八月堅收起居注及著作所錄而觀之見荀太后李威之事慙怒乃焚其書著作郎董裴雖史書
 時事然不留一八年三月徙鄴銅駝銅馬飛廉翁仲於長安十月堅引羣臣於太極殿議曰東南一隅未賓王化

今欲起天下兵討之計其精卒九十七萬吾將先啓行薄伐南裔此行也朕與陽平公之任非諸將之事左右僕
 射權翼沙門道安陽平公融尚書石越等上書固諫前後數十堅不納十九年晉車騎桓冲率眾十萬寇襄陽遣其
 前將軍劉波攻沔北堅大怒遣其子征南鉅鹿公融冠軍慕容垂左衛毛當等將步卒五萬救襄陽堅下書曰吳人
 敢恃江山屢寇王境宜時進討以清宇內便可戒嚴速脩戎備發州民則十丁遣一兵居門在灼然者為宗文義
 從朕將登會稽復禹績代國存君義同三王其以司馬昌明為左僕射謝安為吏部尚書桓冲為侍郎郎勢遠不遠可
 並為起第八月戊午遣征南大將軍陽平公融騎從張蚝撫軍大將軍高陽公符方衛軍梁成平南慕容暉冠軍
 慕容垂步騎二十五萬為前鋒甲子堅發長安戎長戎卒六十餘萬騎二十七萬前後千里九月堅至項城涼州
 之兵始達咸陽蜀漢之軍順流而下幽冀之眾至于彭城東西萬里水陸齊進融等攻壽春遣都督謝石徐州刺
 史謝元豫州刺史桓伊水陸七萬敗堅于肥水堅為流矢所中單騎遁還於淮北顧謂夫人張氏曰朕若用朝臣之
 言豈見今日之事即當何面目復臨天下乎潛然流涕堅諸軍悉潰惟慕容垂一軍獨全比至洛陽百官咸儀軍
 容粗備未及關而垂有二志說堅請巡撫燕代并求拜墓堅許之權翼固諫以為不可堅不從堅至自淮南次于
 長安東之行宮入告罪于太廟丁零翟斌反于河南長樂公符丕遣慕容垂及符飛龍討之垂南結丁零殺飛龍盡
 坑其眾垂引丁零烏丸之眾二十餘萬為飛梯地道以攻鄴城慕容暉弟泓先為北城長史聞垂攻鄴亡命奔關東
 收諸馬牧鮮卑眾至數千還屯華陰暉乃潛使諸弟及宗人起兵于外堅遣將軍強永率騎擊之為泓所敗泓眾遂
 盛自稱大都督雍州牧濟北王推叔父垂為丞相大司馬冀州牧吳王堅謂權翼曰吾不從卿言鮮卑至是關東之
 地吾不復與之爭若將泓何翼曰寇不可長慕容正可據山東為亂不暇近逼今暉及宗族種類盡在京師鮮卑之
 眾布於畿甸實社稷之憂豈遣重將討之堅乃以廣平公融鎮蒲坂符融為都督配兵五萬姚萇為司馬討泓于華
 澤平陽太守慕容冲起兵河東有眾二萬進攻蒲堅命賞衝討之符融勇果輕敵至華澤敗績被殺堅大怒萇懼

誅遂叛當衝擊慕容冲于河東大破之冲奔于泓泓至十萬餘遣使謂堅曰秦師傾敗將興復大燕吳王以定關東可速資備大駕奉送家兄皇帝返鄴都與秦以虎牢為界分王天下堅怒召暉責之暉叩頭流血陳謝堅久之曰此自三豎之罪非卿之過復其位待之如初命暉以書招諭垂及泓冲使眾兵還長安怒其反叛之罪而暉遣使謂泓曰今秦數已終當不復能久立吾既籠中之人必無還理勉建大業以興復為務泓於是進向長安改年曰燕興堅率步騎二萬討姚萇于北地姚萇率眾七萬來攻堅為長所敗聞慕容冲去長安一百餘里引師而歸使符方戌驪山拜符暉都督中外諸軍事配兵五萬拒冲暉師敗績堅又以尚書姜宇與符琳率眾三萬擊冲于灊上為冲所敗宇死之琳中流矢冲遂據阿房城進逼長安堅登城觀之歎曰此虜從何出也吾不用王景略陽平公之言使白虜敢至于此長樂公符丕在鄴糧竭馬又無草削松木而食之會丁零叛慕容垂引師去鄴始具西問知長安危逼乃遣從弟求救于謝元二十一年慕容冲僭稱尊號于阿房改年更始冲率眾登城堅身貫甲冑督戰拒之飛矢滿身流血被體時雖兵寇危迫馮翊諸寶璧猶有負糧冒難而至者多為賊所殺先是每夜有人周城大呼曰楊定健兒應屬我宮殿臺觀應坐我父子同出不共汝旦尋而不見人跡城中有書曰右符傳賈錄載帝出五將久長得又謠曰堅入五將山長得堅大信之告其太子宏曰脫如此言天或違乎今留汝兼總戎政勿與賊爭利吾當出隴收兵運糧以給汝自將張夫人及中山公統率騎數百出如五將山六月太子宏尋將母妻宗室男女數千騎出奔堅入據長安堅至五將山姚萇遣將軍吳忠圍之堅眾奔散獨侍御十數人而已神色自若坐而待之召宰人進食俄而忠至執堅以歸新平縣幽之別室長求國璽于堅曰長次膺錄可以為惠堅瞋目叱之曰小羌乃敢干逼天子豈以傳國璽授汝乎五胡次序無汝羌名違天不祥其能久乎璽已送晉不可得也長又遣右僕射尹緯說堅求為堯舜禪代之事堅曰姚萇叛賊奈何擬之古人因問緯曰卿于朕朝作何官對曰尚書令史堅歎曰卿宰相才王景略之流而朕不知卿亡也不亦乎八月縊于新平佛寺中時年四十八張夫人中山公誡等皆自

殺三軍莫不哀慟長欲匿殺之名乃諡為莊烈天王長樂稱號偽諡堅為世祖宣昭皇帝初太子之逃也假道歸晉歷位輔國將軍桓元篡位以為梁州刺史

符丕

符丕字永敘堅之長庶子少而聰慧好學堅與之言將畧嘉之才幹亞于符融為將善收士卒時出鎮于鄴東夏安之堅敗歸長安為慕容垂所逼自鄴奔于枋頭堅之死也建元二十一年不復入鄴城將收兵趙魏西赴長安會平州刺史符冲帥幽并人眾擊慕容垂頗為垂將帶方等所敗乃率眾三萬進屯壺關使招丕丕乃去鄴帥兵十萬進潞州驃騎將軍張蚝并州刺史王騰迎之入據晉陽始知不守堅為姚萇所殺乃舉哀晉陽即皇帝于晉陽南立堅行廟大赦改建元二十一年為太平元年九月置百官是月安西呂光自西域還師一年正月慕容垂僭稱尊號二月慕容冲左將軍韓延然冲立段隨為燕王改年八月姚萇昌平正月丕以呂光為車騎將軍梁州牧酒泉公是僭稱尊號氏有啖青者謂諸將曰狄道長符登雖王室屬疎而志畧雄明請共立之以赴大駕于是推登為持節都督隴右雍河二州牧率眾五萬東下隴右據南安馳使請命八月丕以登為征南大將軍開府議同南安王虎旅夫而取之十月與慕容永戰于襄陵王師大敗丕懼帥其眾數千南奔東垣晉揚威將軍馮該自陝要擊斬之送丕首于江東符登稱尊號諡為哀平皇帝

符登

符登字文高不之族子父敞太尉司馬登少勇有壯氣建元元年初拜殿中將遷羽林監長安令坐事黜為狄道長太平二年與姚萇戰于格奴坂大破之十一月丕子激海王懿自吉城奔登登為具不死聞于是為不發發行服為壇于隴東僭即皇帝位改太平二年為太初元年十二月立堅神主于軍中堅神主曰今收合義旅眾餘五萬

星夜雷邁直造賊庭庶上報皇帝酷怨下雪人民大恥二年登次于瓦亭九月進據胡空堡戎歸之者十有餘萬姚
 長掘屍鞭撻無數裸刺衣裳附之以棘坎土埋之三年登次朝鄉姚其據武都相持累戰有勝負長以登戰勝謂
 堅神將所助亦於軍中立堅神王謂曰往年新平之禍非長之罪陛下假臣龍驤曰朕以龍驤建業卿其勉之明詔
 昭然言猶在耳豈假乎符登而圖臣志前征時言耶今為陛下立神像可歸休于此勿計神過聽臣至誠四年正月
 登昇樓謂長曰自古安有殺君反立神像大呼曰殺君賊姚其出與汝決之何為枉害無辜長憚而不應長自
 立堅神像戰未有利軍母夜驚乃斬像首送登六年三月登自雍攻長安七月登攻新安姚其救之登引退八年
 十二月姚其薨九月登聞長死喜曰姚與小兒吾將折杖以答之于是大赦盡眾而東四月登從六陌趣廢橋興將
 尹緯據橋以待之登與緯大戰為緯所敗登單馬奔雍初登之東也留太子崇守胡空堡崇聞登敗棄城出奔登至
 無歸乃奔平涼收集遺兵入馬毛山七月興攻登于馬毛登遣子崇質于隴西鮮卑乞伏乾歸結婚請授乾歸遣騎
 二萬救登登引軍出迎與興戰于山南為興所敗死之時年五十二子崇奔於湟中僭稱尊號改年延初謚登為高
 皇帝十月崇為乾歸所逐奔於楊定興崇帥眾二萬攻乾歸為乾歸所敗崇定皆死之自符健皇始元年歲在辛亥
 晉永和七年是歲歲在甲午四十四年晉大元十九年也

魏 崔鴻撰

姚弋仲

姚弋仲南安赤亭羌人也其先有虞氏之苗裔昔禹封舜少子于西戎世為羌長其後燒當雄于洮罕之間當七
 世孫填虞虞九世孫孫遷邠邠種人內附漢朝嘉之假冠軍將軍羌校尉歸順王處之于赤亭邠元孫柯為魏征西
 將軍緣戎校尉西羌都督柯生弋仲少而聰猛英果雄毅永嘉之亂戎夏襁負隨之者數萬自稱雍州刺史護羌校

尉扶風公劉曜以弋仲為平西將軍石虎廢石宏自立弋仲稱疾不賀虎累召之乃赴太寧元年拜侍中征西大將
 軍石祗尊號于襄國以仲為右丞相祗為劉顯所殺仲乃與燕連和有子四十二人常誡諸子曰我死之後汝
 歸晉家竭盡臣節乃使使降晉晉永和七年拜仲使持節六夷大都督督江淮諸軍事儀同三司大單于封高陵郡
 公八年薨時年七十三後仲薨極為符生所得生以王禮葬之于天水長稱尊號追謚景元皇帝廟號始祖陵曰
 高陵

姚襄

姚襄字景國弋仲第五子雄武多才藝能明察善撫納士民愛敬之咸請為嗣仲以襄非適不許石祗僭號以襄
 為使持節驃騎將軍護烏丸校尉晉遣使拜襄持節平北將軍并州刺史即邱縣公弋仲薨率戶六萬南至滎陽
 晉處襄于譙城遣王弟為任單騎渡淮見豫州刺史謝尚一面交款便若平生楊州刺史殷浩憚其威名遣謝方
 討襄逆擊破之鼓行濟淮屯于盱眙朝廷大震襄方軌引北自稱大將軍大單于據許昌自許遂攻洛陽踰月不尅
 晉征西大將軍桓溫自江陵伐襄溫至伊水襄徹圍之為溫所敗襄奔還洛陽率千數騎奔于北山百姓隨襄者
 四千餘戶襄尋從北山將圍關中進屯杏城遣輔國將軍姚蘭略地郿城符生遣符飛龍拒戰率眾西引與符堅
 戰于三原為堅所殺時年二十七長僭尊號追謚魏武王

姚萇

姚萇字茂弋仲之第二十四子少聰哲多權略不修行業兄襄為符堅所殺萇率諸弟降于符生堅以萇為楊
 武將軍步兵校尉潞州之戰累有殊功遷左衛將軍累授幽州刺史符堅伐晉以萇為龍驤將軍督益梁二州諸
 軍事謂長曰朕本以龍驤建業龍驤之號未曾假人今特以相授山南之事一以委卿堅左將軍當衝進曰王者無
 戲言此將不祥之徵也堅默然白雀元年慕容泓起兵叛堅堅遣子叡討之以萇為司馬既而為泓所敗叡死之萇

遣參軍姜協謝罪堅怒殺之長懼奔于渭北歸者五萬餘家咸推長為盟主自稱大將軍大單于萬年秦王大赦
改元稱制行事二年六月慕容冲入長安司隸崔翼高書趙遷等數百人來奔長關符堅在五將山遣驍騎吳忠
率騎圍之長自故縣如新平吳忠執堅送之長將求禪代堅不許慕容冲遣率騎大將軍尚書令高蓋求戰于新
平大破蓋率麾下數千人來降建初元年僭即皇帝位于長安大赦改年國號大秦改長安為常安追尊考弋仲為
景元皇帝妣曰德皇后子興為皇太子秋七月長如安定二年徙秦州三萬戶于安定八月以太子興鎮長安四年
十月立社稷于長安六年大敗符登于長安七年三月長寢疾遣鎮東姚欽德守長安召太子興詣行在所八年十
月長如長安至于新支堡疾篤興疾而進十二月至長安召太尉姚弋仲等受遺詔輔政長曰吾氣力轉微
將不能復臨天下卿等善相吾子謂興曰有毀此諸人者慎勿受之撫骨肉以仁接大臣以禮待物以信遇民以
恩四者既備吾無恨矣庚子薨于永安宮年六十四謚武昭皇帝葬原陵廟號太祖

姚興

姚興字子略長之少子長覺秘不發喪皇初元年乃發喪行服即位于槐里大赦改元七月如涇陽興符登從陰
密三萬戶于長安二年以叔父緒為晉王征西將軍碩德為隴西王弟崇為齊公顯為常山公三年以緒為并冀二
州牧鎮蒲坂四年二月遣齊公崇伐洛陽宏始元年九月大赦改元冬十月尅洛陽以東平紹為都督山東諸軍
事豫州牧鎮洛陽四年五月遣大將軍隴西王碩德率步騎六萬伐呂隆於涼州先是吐蕃傳納沒檀據西平沮渠
蒙遜據張掖李嵩據燉煌各制方城共相侵伐碩德從金城濟河直趣廣武逕倉松至隆城下隆遣弟輔國超龍
驤等率眾拒碩德碩德大破之生擒驤儻蒙遜李嵩等各脩表奉獻九月隆奉表請降與答報嘉美以隆為鎮
西將軍涼州刺史建康公十一月鳩摩羅什至長安七年正月興如道遥園引諸沙門聽什說佛經九年以太子泓
錄尚書事燕王慕容超遣使稱藩十年與魏通和貢馬千匹十一年蜀譙縱遣使稱藩十六年五月興寢疾於內太

子泓以兵屯東華門侍疾于詵議堂高書廣平公弼潛謀為亂招集數千人持兵於第興疾損升前殿百官咸會
征虜劉亮泣曰陛下寢疾數旬奈何忽有斯事興曰朕過庭無訓使諸子不穆愧于四海興以弼文武兼才未忍
致法免其尚書令以公就第興怒乃收弼囚之十二月興疾甚遣收廣平公弼第中甲杖納之武庫於是弼黨率甲
士攻端門殿中上將軍歛曼高一作寇勒兵拒戰不得入遂燒端門興力疾臨前殿賜弼死丁未薨於殿年五十三謚
文桓皇帝廟號高祖墓曰偶陵

姚泓

姚泓字元子興長子也孝友寬和而無經世之用又多疾病興將以為嗣而疑焉久之乃立為太子泓嘗受經博士
淳于岐岐病泓親省疾拜于牀下自是公侯見師傅皆拜焉興如平涼留泓總復事馮翊人劉厥擊眾據萬年以
叛泓遣鎮軍彭白狼率東宮禁兵討之斬厥赦其餘黨興薨泓即位大赦改元為永和元年慮於諸議堂既葬乃
親庶政內外官僚增位一級令文武各盡直言勿有所諱仇池公楊盛攻陷祁山遂逼秦州泓遣姚平救之盛引退
姚嵩與平追盛及于竹嶺姚讚率隴西太守姚秦都略陽太守王煥以禁兵赴之讚為盛所敗秦都王煥皆戰死
讚至秦州退還仇池先是天水冀縣石鼓鳴聲聞數百里野雉皆雉秦州地震者三十二殷殷有聲者八山崩舍壞
咸以為不祥及嵩將出羣僚固諫不聽識者以為秦州泓之故鄉將滅之徵也赫連勃勃攻陷陰密執秦州刺史姚
軍都坑將士五十餘人進兵侵雅遂據抄掠郿城姚紹及征虜尹昭鎮軍姚洽等率步騎五萬討之戰于馬鞍坂勃
勃兵敗走還尋而晉相劉裕總大軍伐泓次于彭城遣檀道濟王鎮惡入自淮肥攻漆丘項城沈林子自汴入河
攻倉垣泓將王苻生以漆丘降鎮惡徐州刺史姚掌以項城降道濟晉師遂入潁口所至多降服姚紹聞晉師之
至也馳還長安言於泓曰晉師已過許昌豫州安定孤遠卒難救衛宜遷諸鎮戶內實京畿可得精兵十萬足以橫
行天下假使二寇交侵無能為也如其不爾晉侵豫州勃勃寇安定君將若之何吏部郎懿橫又以齊公姚恢有

忠勳於國家未有殊賞今致之死地安定人人自危恐必生變宜徵還朝廷以慰其心泓並不從晉師至城舉征南姚洗時鎮洛陽部將趙元說洗曰今寇逼已深百姓駭懼眾寡勢殊難以應敵宜攝諸戍兵士固守金墉以待京師之援不可出戰如戰不捷大事去矣金墉既固師無損敗吳冠終不敢越金墉而西困之於堅城之下可以坐制其弊洗用姚禹闔恢之譖卒遣元出戰會陽城城舉陽虎卒諸城悉皆降於道濟元戰敗死於柏谷道濟進至洛陽洗懼出降泓母弟懿嶮薄用其司馬孫暢謀欲襲長安誅姚紹廢泓而自立遂舉兵督號傳檄州郡時征北姚恢亦率安定鎮戶三萬八千焚燒室宇以車為方陣自北雍州趨長安自稱大都督建義大將軍移檄欲除君側之惡軍勢甚盛泓見內外離叛晉師漸逼歲旦朝群臣于前殿悽然流涕羣臣皆泣姚紹率輕騎先赴難姚讚亦率諸軍還長安遂擊殺恢及其三弟泓乃進紹太宰大將軍大都督中外諸軍事假黃鉞改封魯公率武衛姚鸞等距晉師于潼關道濟固壘不戰紹遣左長史姚洽等屯于河北欲絕道濟租輸為沈林子所敗宋皆沒焉紹忿恚發病嘔血而死泓遣使乞師于魏魏遣司徒南平公拔拔等進據河內為泓聲援劉裕次于陝城泓使姚裕尚書龐統屯騎八千距之泓躬將大眾繼發裕為沈田子所敗泓退次于灊上姚讚距晉師于關西姚難屯于香城時大霖雨渭水汎溢王鎮惡水陸兼進追及姚難泓自灊上還軍次于石橋以援之晉師進據鄭城泓使姚裕尚書龐統屯兵宮中姚洗屯于灊西尚書姚白瓜徙四軍雜戶入長安姚丕守渭橋胡翼度屯石積姚讚屯灊東泓軍于道道園鎮惡夾渭進兵破姚丕于渭橋泓自赴之逼水地狹因丕之敗遂相踐而退姚湛姚烈姚寶等皆死于陣泓單馬還宮鎮惡入自平朔門泓與姚裕數百騎出奔于石橋讚聞泓敗召將士告之皆以戈擊地攘袂大哭胡翼度奔眾奔晉讚夜率諸軍會泓于石橋晉師已固諸門讚軍不得入眾皆驚散泓計無所出謀欲降晉其子佛念年十二謂泓曰陛下今雖降晉劉裕待人無禮終必不全願自我決無然不答遂登宮牆自投而死平原公璞并州刺史尹昭以蒲坂降晉東平讚率宗室子弟有餘人亦降于裕裕盡殺之九月裕至長安送泓于建康市而代時年三

十建康百里之內草木焦死自姚萇元年歲在甲申至于是歲在丙辰三十有三歲

蜀錄

魏崔鴻撰

李特

李特字元休巴西宕渠人其先康君之苗裔秦併天下以為黔中郡薄賦歛之口歲出錢四十巴人謂賦為實藏宗因謂之實人焉及高祖為漢王始募實人平定三秦既而不願出關求還鄉里高祖以其功復同豐沛更名其地為巴郡土有鹽鐵丹漆之利民用敦阜俗性剽勇善歌舞高祖愛其舞詔樂府習之今巴渝舞是也其後繁昌分為數十姓及魏武克漢中特祖父虎將五百家歸魏魏武嘉之遷略陽洛陽拜虎等為將軍徙內者亦萬餘家散居隴右諸郡及三輔宏農所在號巴氏虎子慕為東羌獵將慕生有五子輔特庠流驤特身長八尺雄武善騎射沉毅有大度元康中氏齊萬年反關西擾亂天水洛陽扶國始平諸郡皆被兵頻歲大饑流移就穀相與入漢川者數萬家特至劍閣顧盼峻阻曰劉禪有如此之地而面縛于人豈非庸才耶同移者閻式等咸歎也異之初流民既至漢中上書求寄食巴蜀朝廷從之由是散在梁益不可禁止永康元年詔徵益州刺史趙歙為大長秋以成都內史耿騰代歙遂謀叛潛有劉氏割據之志騰率眾入州歙遣眾迎之戰于西門騰敗走歙獲殺之歙自稱大將軍益州牧特弟庠與兄弟及妹夫李舍任回等以四千騎歸歙歙以庠為滅寇將軍使斷北道庠素東羌之良將曉兵法部陣肅然歙惡其齊整殺之復以特為督將特兄弟既怨歙引兵歸益州歙恐朝廷討已遣長史費遠等督萬餘人斷北道次餘竹之石亭密收合得七十餘人夜襲遠軍遠軍大潰因放火燒之死者十八九進攻成都歙聞兵至驚怕不知所為李必等夜斬關走文武盡散歙獨與妻子乘小船走至廣都為其下人朱竺所殺先是涼州刺史羅尚聞歙叛上表稱歙非雄才又蜀人不願為亂事終無成願欲征之惠帝遣尚為平西將軍益州刺

史率七十餘人入蜀特等聞尚來甚懼使其弟驤于道奉迎并貢寶物尚甚悅冬十月六郡流人推特行鎮北軍承制封拜其弟流行鎮東將弟驤驍騎將軍少子雄為前將軍以相統領進兵攻尚于成都頗為特所敗乃阻長圍緣水作營自都安至犍為七百里與特相拒大安二年部下推特大將軍大赦改元為建初元年益州從事任胡說尚曰特既兇逆侵暴百姓今又分散人眾在諸村堡驕恣無備是天亡之時也可告諸村密刻期日內外擊之破之必矣尚從之遣大眾奄襲特營尚出逆戰到官桑特軍敗績死之雄稱成都王追謚景王及稱尊號追尊曰景皇帝廟號始祖

李流

李流字元通特第四子也為好學便弓馬東羌校尉何攀稱流有貴育之勇舉為東羌校尉平趙嚴于成都晉朝論功拜奮威將軍封武陽侯建初元年特既見殺流自稱大將軍益州牧九月流疾篤謂諸將曰驍騎李驤高明仁愛識量多奇固足以濟大事然前軍也英武殆天所相可共受事於前軍以為成都王也遂薨年五十六諸將共立雄為主雄稱尊追謚流秦文王子龍嗣

李雄

李雄字仲雋特第三子母羅氏夢雙虹自門升天一虹中斷既而生湯後羅氏汲水忽然如寐夢大蛇繞其身遂有孕十四月而生雄常言二子若有先亡在者必大貴湯以李流世卒雄長八尺三寸美容貌相工相之曰此君將貴其相有四目如重雲鼻如龜龍口方如器耳如相望決為大貴位過三公不疑雄少有烈氣有識者皆器重之特稱益州牧以雄鎮梓潼又拜前將軍流薨雄稱大將軍益州牧治郫城以西山范長生岩居穴處求道養志之士雄欲迎為君而臣之長生固辭曰推步大元五行大會甲子祚鍾于李非吾節也建興元年十月雄即成都王位於南郊大赦改元約法七章以叔父驤為太傅兄虎威為太保晏平元年三月范長生乘素輿詣成都雄迎于大門執版

延坐長生請雄對坐即拜丞相尊曰范賢長生勸雄稱尊號夏六月僭即帝位大赦改元國號大成追尊父特為景帝母羅氏為太皇后十月加丞相范長生為天地太師之號封西山侯玉衡五年正月立妻任氏為皇后八年四月范長生卒以其子侍中賁為丞相長生善天文有術數民奉之如神十四年立兄子班為太子二十四年五月雄寢疾六月丁卯薨年六十一謚武皇帝廟號玄宗十月葬安都陵太子班襲位

李期

李期字世運雄第四子聰慧好學弱冠能屬文雄薨班即位雄子車騎將軍越自江陽奔喪與期以班非雄所生而嗣位心不平十月因夜哭臨越殺班於璜宮班字世文雄兄蕩第四子雄妻任氏無子養班為子越既殺班于是矯太后令罪狀謚厲太子立期為主甲子期僭即皇帝位玉衡元年正月大赦改元立妻閻氏為后四月大將軍漢王壽率步騎一萬自浩向成都期不虞至預不設備至師剋城屯兵宮門殺相國建寧王越尚書令景騫尚書曰襄等廢期為印都縣公幽之別宮期自殺年二十五謚曰幽公

李壽

李壽字武考特弟驤之少子少尚禮容敏而好學雄可其才器以為足荷重任封為建寧王雄薨期立改封漢王領梁州刺史治涪城壽見期兄數十餘人并有強兵懼不自全陰謀據成都稱藩於晉乃誓文武得數千人襲成都剋之縱兵擄掠數日乃定僭即皇帝位於南郊大赦改元咸康四年為漢興元年追尊父驤為獻皇帝三年六月壽下書曰吳會遺燼久逋天誅今將大興百萬躬行罰九月大閱軍士七萬餘人舟師泝江而上過成都鼓譟盈江壽登城觀之羣臣曰國小眾寡吳會險遠圖之未易叩頭泣諫乃止其人咸稱萬歲十月講禮於太學舉明經者封好學侯四年以太子勢領大將軍錄尚書事六年分寧州乾右永昌雲南朱提越雋河陽六郡為漢州四月壽寢疾常見李期為崇八月薨年四十謚昭文皇帝廟號中宗葬安昌陵

李勢

李勢字子仁壽之長子身長七尺九寸腰帶十四圍善于俯仰時人異之壽既薨僭即帝位大赦改元太和元年正月尊母閻氏為皇太后妻李氏為皇后嘉寧一年晉征西將軍荊州刺史桓溫來伐勢大發軍禦之鎮東李位都逆往降溫達成都之十里陌勢眾自潰三月溫至城下縱火燒其大城門勢眾惶懼無復固志勢乃夜開東門走九百里至晉壽然後送降文于溫勢尋與觀面縛軍門溫解縛焚觀送勢及叔父福戴記云及弟福等十餘人于建康晉封為歸義侯升平五年卒常據字道將蜀成都人少好學著華陽國志十篇序開闢以來迄于李勢皆有條理云宕渠古實國今有實城秦始皇時有長人長五丈見宕渠秦史胡母敬曰五百年其地必有異人為大人者及雄之稱尊號祖先出自宕渠有識者皆以為應之譙周云我死後三十年當有異人入蜀又著識云廣漢城北有大賊曰流曰特攻難得歲在元宮自相剋又惠帝之世蜀童謠曰江橋頭闕下市成都北門十八字至是而應焉李特以晉永和元年歲在辛酉起兵至勢嘉寧二年晉永和三年歲在壬戌而降晉合四十七年

前涼錄

魏 崔鴻撰

張軌

張軌字士彥安定烏氏人漢常山王耳十七世孫祖烈魏外黃令父溫太官令母隴西辛氏軌少好學明經與同郡皇甫氏安友善拜太子舍人與京兆杜預以聽注易遣之太康中為尚書郎太子洗馬中庶子遷散騎常侍征西將軍司馬軌以晉室多難陰圖保據河西追實融故事益之遇秦之觀軌喜曰霸者之兆乃求為涼州公卿亦舉軌拜涼州刺史課農桑拔賢才置崇文祭酒徵九郡曹子五百人立學校以教之永興二年拜西安將軍封樂鄉侯惠帝崩遣長史北宮純司馬纂列駕陰監奉表京師是歲大城姑臧其城本匈奴所築也南北七里東西三里

地有龍形故名卧龍城永嘉四年十一月黃龍出於臨羌河發水昇天身長十餘丈五年帝遣使拜車騎大將軍開府儀同三司策命未至而劉曜攻陷長安遷晉帝于平陽建興元年晉愍帝即位于長安遣使者拜軌鎮西大將軍開府儀同三司加侍中封西平郡公固讓不受二年進拜太尉涼州牧以軌年老多疾拜子晏行撫軍副涼州刺史五月軌寢疾立子晏為世子已丑薨于正寢年六十葬建陵冊贈侍中太尉謚武穆張祚僭號追尊武王廟號太宗

張晏

張晏字安遜軌之世子也學尚明察敬賢愛士晉舉秀才除尚書郎永嘉元年固辭驍騎將軍請還涼州帝許之改授議郎西中郎將建興元年長史張璽等表宴嗣位十月帝遣使受西中郎將涼州刺史西平公二年十一月帝將降劉曜進晏侍中空涼州牧三年始知劉曜逼遷天子平陽大臨三日五年南陽王寶聞愍帝崩自稱晉王年號建康置百官遣使拜晏征西大將軍開府儀同三司增邑三千戶六年六月京兆人劉宏挾左道以眩惑百姓密與晏左右十餘人謀殺晏皆懷刀入內斬晏于外寢時年五十葬寧陵晉王寶冊贈宴大司馬涼州牧謚元公張祚僭號追尊曰明王廟號高祖母弟茂嗣以宴子幼嗣茂茂字成遜宴之母弟虛靖好學不以勢利為心建興元年相國南陽王寶辟從事中郎又薦為給事黃門侍郎皆不就二年徵為侍中又以疾固辭四年拜秦州刺史加散騎常侍領雍州皆不受宴左司馬陰元年以宴既被害子駿冲幼宜立長君乃推茂為大都督太尉涼州牧茂不從以平西將軍行都督涼州諸軍事護羌校尉涼州牧西平公大赦境內九月立晏子駿為世子三年劉曜遣鴻臚拜茂太師涼王四年茂寢疾執駿于泣曰吾先人以孝友見稱自漢以來世執忠順汝謹守忠節毋或失墮薨于正寢年四十八劉曜遣使贈太宰謚成烈王張祚僭號追尊曰成王廟號太宗

張駿

張駿字公庭宴之世子永嘉元年生幼而奇偉十歲能屬文茂之四年拜使持節大都督大將軍涼州牧西平公大赦境內劉曜遣使拜大將軍涼州牧元年正月親耕籍田二月始承晉元帝崩問大臨三日四年十二月劉曜為賊所擒曜太子毗及劉嶺等率眾奔上邽六年二月石勒稱天王遣使拜駿征西大將軍涼州牧加五錫之禮八年羣僚勸駿稱涼王置百官駿曰此非人臣所言敢有此言罪在不赦又請立世子乃立重華為世子十二月鄯善王元禮獻女姝好號曰美人立賓遐觀以處之十四年五月雨雪降霜駿避正殿素服命羣僚極言得失十五年以右長史任處領國子祭酒立辟雍明堂而行禮焉命西曹掾集閣內外事付索綬以著涼春秋十一月以世子重華行涼州事十九年田于建西踰玉右縣九月改玉右縣為金澤縣二十一年始置百官官號皆擬天朝車服旌旗一如王者酒泉太守馬岌上言酒泉南山既崑崙之體周穆王見西王母樂而忘歸即謂此山有石室玉堂珠璣鏤飾煥若神宮禹貢崑崙在臨江之西即此明矣宜立西王母祠以裨朝廷無疆之福駿從之二十二年六月薨于正德前殿年四十晉遣策贈大司馬謚忠成公七月葬大陵張祚僭號追尊文王廟號世祖

張重華

張重華字泰臨駿第二子寬和懿重沉毅少言駿薨右長史任處上華為使持節大都督太尉涼州牧護羌校尉西平公假涼王大赦境內三年九月晉遣使者拜侍中大都督隴右諸軍事大將軍涼州刺史領護羌校尉西平公重華以位號未稱怒不受詔羣僚上重華為丞相涼王雍秦涼三州牧五年重華憚羣寮于閑豫屢論講經義顧問索綬曰孔子婦誰家女老聃父字為何四皓既安太子仕乎還山乎綬曰孔子婦姓卞官氏老聃父名乾字元果胎則無耳一目不明孤單年七十二無妻與鄰人益壽氏老女野合懷胎八年乃生老子四皓還否臣尚未悉重華曰卿不知乎四皓死于長安有四皓冢為不還山也七年十月重華寢疾臨春坊遣左長史馬岌策拜子靈曜為世子大赦境內十一月薨于平章殿年二十七葬顯陵張祚僭號追謚桓王廟號世祖

張祚

張祚字太伯駿之長庶子博學雄武有政治之才駿之二十一年拜延興太守封靈侯重華薨子靈曜嗣七年十一月右長史趙長等矯稱遺令以祚為使持節都督中外諸軍事撫軍大將軍輔政十二月趙長等議以靈曜冲幼世難未夷宜立長君廢曜為寧涼侯立祚為大將軍護羌校尉涼州牧趙長等議僭即王位于謙光殿大赦改元為和平元年立妻辛氏為皇后子太和為太子封弟天錫為長寧侯重華少子元靖為涼武侯置百官二月尊祖父郊祀天地二年有神降于元武殿自稱元冥與人交語祚日夜祈之神言語福利祚甚信之征東張瓘遣兵傳檄廢祚還第復立靈曜八月祚收瓘弟瑀及其子嵩等驍騎將軍宋混兄脩素與祚有隙大懼祚疑之混西奔招合夷晉眾至萬餘人還向姑臧祚遣陽秋胡將靈曜于苑拉其腰而殺之埋于沙坑九月宋混次于武始大澤為靈曜發哀閏月混至姑臧祚登神雀觀張瓘張嵩歎祚守卒死者四百餘人斬西門關納混領軍趙長開宮門以應瓘長馳入殿中大呼稱萬歲祚以長敗賊下觀勞之長奮槊刺祚中額奔入萬秋閣為厨士徐里所殺以庶人禮葬之天錫即位備禮改葬于慈陵追謚威王封子廷堅為金澤侯

張元靖

張元靖字元安重華少子母郭夫人和平二年宋混張瓘等上元靖為大將軍涼州牧護羌校尉西平公時年七歲張瓘至姑臧推元靖為大將軍涼王自為使持節都督中外諸軍事尚書令涼州牧張掖郡公四年五月東苑大冢上忽有地東天澤地燃廣袤數丈執法御史杜逸言于瓘曰此皆變之大者可移之族瓘徵兵數萬集于姑臧謀討宋氏混與弟澄及左右壯士楊和等四十餘騎奔入南門申令諸營曰張瓘得罪被太后詔誅之俄而眾至二千擁瓘率眾出戰混擊敗之眾悉去瓘自殺混入見元靖以混為使持節中外都督諸軍事驃騎大將軍酒泉郡侯輔政五年六月大旱令諸祈雨之官皆詠雲漢詩儒林祭酒索綬曰雲漢陳周宣之美非早之文昔神鼎之出

漢虞丘不賀今辭與事違恐非致澤之意也綬字士燾燿人父戢晉司徒綬家貧好學舉孝廉為記室祭酒母喪去官又舉秀才著涼春秋五十卷又作六夷頌符命傳十餘篇以著述之功封平樂亭侯六年宋混卒天錫以使持節都督諸軍輔政八月右將軍齊南等議以靖多難務須立長君勸天錫自立閏月天錫遣蕭等夜害元靖時年十四葬平陵謚冲王

張天錫

張天錫字公純蝦駁之少子母曰劉美人元靖即位一十八謁于太廟尊母劉氏為太后元年四月秦遣馮騰回國拜天錫大將軍涼州牧西平公三年姑臧北山楊樹生松葉西苑北鹿生角東苑銅佛生毛延興地震陷裂水出天錫避正殿引咎責謝普遣使拜右關中諸軍大將軍涼州牧西平公八年郡國火燃于泥中三十所符堅復有兼并之規天錫大懼遣從事中郎韓博奉表于晉又與桓溫書起其年大舉都會上邽十年以世子懷為使持節鎮西將軍高昌郡公次子大豫為世子豫母焦氏為左夫人七月大水地震西平五十日中地十動土樓崩天錫疾美人閻姬薛姬皆自殺二姬因色並有殊寵天錫每謂之曰汝二人將何以報我我死之後豈可更為人妻皆曰尊若不諱妾請効死于前灑掃於地下無他志十月天錫疾瘳大赦境內追悼二姬葬以夫人禮十三年五月符堅遣武衛將軍句長等率眾來伐天錫遣中衛將軍史景等拒戰赤岸為秦所敗天錫納左長馬苒之言面縛降秦東徙長安拜歸義侯北部尚書遷右僕射隨符堅敗于淮南又昔為員外散騎常侍復本封薨贈鎮西將軍謚悼公張軌以晉永寧九月辛巳歲收涼州至天錫敗亡之歲歲在丙午八主七十六年

西涼錄

魏崔鴻撰

李暠

李暠字元鳳隴西狄道人也漢前將軍廣十六世孫廣子侍中敢之後李氏世為西州著姓祖父奔前涼武衛將軍天水郡太守安世亭侯父昶字中堅幼有令名世子侍講年十八卒暠昶之遺腹子少而好學沈敏有器度後涼龍飛二年建康太守段業自稱涼州牧號神璽元年拜暠效穀令二年燉煌索仙等以暠溫毅有惠政推暠為燉煌太守段業復高鎮西將軍領護西夷校尉庚子元年十一月晉昌太守唐瑤移檄六郡推暠為大將軍涼公領秦涼二州牧大赦改年追尊祖奔涼公父昶涼簡公以瑤為征東將軍二年正月于南門起靜恭堂以議朝政圖讚自古聖帝明王忠臣孝子烈士貞女親為序頌以作鑿戒五年正月立泮宮增高門學生四百人四月燉煌有葛綠木而生作黃鳥之形世子譚卒九月立第二子歆為世子正月大赦改元為建初元年三月燕于曲水命羣寮賦詩暠親為之叙文寫諸葛亮訓厲以戒諸子十三年正月寢疾顧命長史宋繇曰吾終之後嗣子猶卿子也善相輔導二年薨于賦德殿年六十葬建世陵謚昭武王廟號太祖初暠為羣雄所推定千里之地謂張氏之業不足成河西十郡歲月而一既而倭擅入姑臧蒙遜基宇稍廣於是慨然著述志初河右不生楸槐張駿之世取秦隴植之皆死至是而酒泉言西北有槐生焉乃作槐樹賦又作婦辛氏誄其餘賦數十篇

李歆

李歆字士業暠第二子暠薨左長史宋繇等上為大將軍涼公領涼州牧護羌校尉太赦改年為嘉興元年七月歆聞蒙遜南伐西秦中外戒嚴將攻張掖尹太后以為不可宋繇亦諫歆怒不從遂率步騎三萬東伐次于都犢澗蒙遜自浩疊來戰于懷城歆敗左右勸還歆曰吾違太后明誨遠取敗辱不殺此胡復何面目以見母也勸眾復戰敗于蓼泉為遜所殺歆弟驍騎將軍翻擊虜將軍豫等西奔燉煌蒙遜遂入酒泉翻及燉煌太守恂與諸子等棄燉煌奔于北山郡人朱承張宏等以恂在郡有惠密信招恂恂率千騎入于燉煌朱承張宏等推恂為涼州刺史遜率眾二萬攻恂朱承等開門出降恂自殺恂暠之第六子也遜復翻子寶徙于姑臧歲余北奔伊吾後二十

餘年至魏太平三年寶至伊吾率流人反虜騎南襲燉煌據之遣使降魏魏以寶為使持節侍中都督西鄯諸軍事鎮西大將軍開府儀同三司領護戎校尉沙州牧燉煌公承制玉門以西寶寬雅有度量甚著威惠于西土在燉煌三年徙并州刺史薨謚宣公自高元年歲在庚子至為蒙遜所滅二十一年

北京錄

魏 崔鴻撰

沮渠蒙遜

沮渠蒙遜臨松盧水胡人其先世為匈奴左沮渠遂以官為氏遂好學涉羣史雄烈有英畧後龍飛二年遜伯父羅仇麴粥從呂光征河南光前軍大敗皆為呂光所殺宗部會葬者萬餘人遜哭謂眾曰昔漢祚中微吾之乃祖翼獎實融保寧河右呂王耄荒虐民無道豈可坐觀成敗不上繼先祖安民之志下使二父有恨黃泉眾咸稱萬歲遂立盟約一旬之間眾至萬餘與從兄男成推光建康太守段業為涼州牧康公改龍飛二年為神璽元年業以遜為張掖太守男成為輔國大將軍委以軍國之任永安元年三月遜以為業所憚內不自安請為安西太守四月業收男成賜死遜聞男成死泣告眾曰男成忠于段公枉見屠害諸軍能為報仇乎成素自思信眾皆憤泣而從之比至瓜池眾踰一萬業遣右將軍田昂武衛將軍梁中庸等攻侯鳩遜自瓜池救之昂率騎五百歸遜軍遂大潰中庸來奔五月遜至張掖田昂兄子承愛斬關納遜業左右散走遜大呼曰鎮西何在軍人曰在此業曰孤單飄一己為貴門所推可見乞餘命投身嶺南庶得東遷與妻子相見遜遂斬之六月右長史梁中庸等推遜為大將軍梁州牧大赦改元永安四年秦鴻臚梁裴拜遜鎮西大將軍開府儀同三司沙州牧西海公九年二月兩月竝出正始元年冬十月遷都姑臧十月僭即河西王位于謙光殿大赦改元置百官始如呂光為三河王故事二年四月立子德政為世子三年二月與西秦通和遜西巡遂循海至鹽池祀王母等寺中有元石圖命中書侍郎張穆為賦銘

于寺前十四年起遊林堂于內苑圖列古聖賢之像九月堂成遂燕羣臣談論經傳顧謂郎中劉炳曰仲尼何如人也炳曰聖人也遜曰聖人者不凝滯于物而能與世推移畏于匡辱于陳伐樹削迹聖人固若是乎炳不能對遜曰卿知其外未知其內昔魯人有浮海而失津者至于亶州仲尼及七十二子遊于海中與魯人木杖令閉目乘之使歸告魯侯築城以備寇魯人出海投杖水中乃龍也具以狀告魯侯不信俄而有羣鷺數萬啣土培城魯侯信之大城曲阜訖而齊寇至攻魯不克而還此其所以稱聖也義和元年十二月魏遣太常季慎拜遜太傅涼州牧涼王加九錫之禮三年夏四月遜寢疾立子茂度為世子薨于路寢五月葬元陵謚武宣王廟號太祖然沮渠茂度遜第三子聰穎好學和雅有度義和三年立為世子加中外都督大將軍錄尚書遜薨僭即河西王位大赦改年為永和元年立子封疆為世子加撫軍大將軍錄尚書事三年五月西中郎將燉煌太守沮渠唐兒上言曰十五日有一老父見于郡城東門投書忽然不見其書一紙八字滿之文曰涼王三十年若七年度訪于奉常張慎曰昔號將亡神降于草深願陛下尅念脩政以副三十年之慶若盤于遊田荒于酒色臣恐七年將有大變度不悅七年正月朝羣臣于謙光殿有狐在于東序門首不見其入左右以告禽之不獲二月端門崩初度為酒泉太守起浮屠于中街有石象在焉是月流血五月太廟基陷六月當陽門崩魏常山王亦堅率眾至姑臧度嬰城拒守九月面縛出降魏釋其縛徙度及宗室士民十萬戶于平城拜度征西大將軍王如故八年賜死謚哀王自遜永安元年歲在辛丑至是歲庚寅三十九載

後涼錄

魏 崔鴻撰

呂光

呂光字世明洛陽人其先自沛遷洛陽因家焉世為成首父婆樓字廣平佐命前秦官至太尉光以趙建武中生于

漢魏書

十六國春秋

二十一

枋頭夜有神光之異故名焉年十歲與諸兒童遊戲邑里為戰陣之法兒童咸推為主而身長八尺四寸目重瞳子左肘有肉印沉毅疑重寬簡有大量人莫之知唯王猛異之曰此非常人言之符堅舉賢良除美陽令民夷憚受隣境肅清遷鷹揚將軍以功賜爵關內侯建元十九年以光為使持節都督西討諸軍事率將軍羌飛彭晃杜進康隆等率步騎七萬討西域十二月至龜茲龜茲王帛純捍命不降光軍其城南五里為一營深渠高壘廣設疑兵為木人被甲羅之壘上以為持久之計二十年五月帛純乃傾國財寶請救于獐胡王遣弟唃龍侯將廋率騎二十餘萬救之胡便弓馬善矛槊鎧如連鑠射不可入乃以革索縶策馬擲人多有中者眾甚憚之姑默宿尉頭等國及諸胡內外七十萬人光遷營相接陣為勾鑠之法精騎為遊軍彌逢其闕秋七月戰于城西大敗之帛純逃奔王侯降者三十餘國進入其城城有三重廣輪與長安城等城中塔廟千數帛純宮室壯麗煥若神居胡人奢侈富于生養家有蒲萄酒至千斛經十年不敗士卒淪沒酒賦者相繼諸國貢款屬路立帛純弟震為王以安之光撫西域威恩甚著秦以光為使持節散騎常侍都督玉門巴西諸軍事安西將軍西域校尉進封順鄉侯二十一年正月大饗文武博議進止眾咸請還光從之三月引還以駝二萬餘頭致外國珍異千餘品駿馬萬餘匹而還九月光入姑臧自領涼州刺史護西校尉太安元年符丕以光為車騎大將軍梁州牧領護西域大都督酒泉公光始聞符堅為姚萇所害奮袂哀怒三軍縞素大臨于城南傳檄諸州期孟冬大舉誡堅為文昭皇帝十月大赦境內改建元為太安十一月羣寮勸進曰長蛇未殄方掃國難宜進位元台十二月上光為侍中中外都督隴右諸軍大將軍涼州牧酒泉公二年八月甘露降逍遙園白鷺翔于酒泉眾鶯成列而從之麟嘉元年正月麟見金澤縣百獸從之于是羣寮奉表請崇進名號二月僭即王位于南郊大赦改元置官司丞郎以下猶攝州縣事三年九月太廟新成追尊父為景昭王祖為宣公曾祖為恭公高祖為敬公龍飛元年五龍見于浩豐羣臣咸賀勸光稱號六月僭即天王位于南郊大赦改年備置羣司立世子紹為太子四年九月光寢疾十二月疾甚立太子紹為天王

光自號太上皇帝以子纂為太尉宏為司徒詔曰吾疾病不濟吾終之後使纂統六軍宏管朝政汝恭己無為委重二兄弟庶可以濟今外有強寇民心未寧汝兄弟輯睦貽厥萬世若內相圖則禍不旋踵纂宏泣曰不敢有二心薨葬高陵謚武皇帝廟號太祖

呂纂

呂纂字永緒光之長庶子母趙淑媛少便弓馬好書太安元年至于姑臧光臨薨執手戒之曰汝性麤武深為吾憂開基既難守成不易善輔永業勿聽讒言光薨紹秘不發喪纂排閣入哭盡哀而出紹懼以位讓之曰兄功高年長宜承大統纂曰臣雖長陛下國家之適不可以私愛而亂大倫驍騎呂超謂紹曰纂臨喪不哀步高視遠觀其舉止恐成大變宜早除之纂聞超謀遂率壯士數百踰北城攻廣夏門入自青角門昇殿紹登紫閣自殺呂超出奔廣武纂遂僭天王大赦改龍飛四年為咸寧元年謚紹隱王纂遊田無度荒耽酒色常與左右因醉馳獵于坑澗之間殿中侍御史王回扣馬諫不納番采太守呂超擅伐鮮卑思盤思盤訴超于纂纂召超入朝怒曰卿恃兄弟桓桓欲欺吾也要當殺卿然後天下可定超頓首曰不敢纂引諸臣宴于內殿呂超屢勸纂酒已至昏醉乘步輦車將超等遊于內至現華堂東閣超取劍擊纂纂下車擒超超刺纂洞胸奔于宣德堂將軍魏益入斬纂首以狗隆既篡位謚靈帝葬白石陵

呂隆

呂隆字永基光弟寶之子既殺纂遂僭即王位大赦改咸寧三年為神鼎元年二月追尊父寶為文皇帝超有任命之勳拜為侍中都督中外諸軍事輔國大將軍錄尚書封安定公二年秦遣鴻臚恒敦拜隆征北大將軍都督河西諸軍涼州牧建康公三年隆以二涼之逼遣齋珍寶請迎于秦遣尚書左僕射齊難率步騎四萬來迎隆率戶一萬隨難東遷既至長安秦以隆為散騎常侍尚書公如故超為安定太守其後坐與姚興少子廣平公弼謀反誅

呂光以乙酉歲據涼州至于是歲歲在癸卯凡一十九年
後燕錄

魏崔鴻撰

慕容垂

慕容垂字道明號第五子小字阿六敦母蘭淑儀垂少有器度長七尺七寸手垂過膝眦甚寵之常曰此兒潤達
好奇終能破人家或能成人家故名霸字道業因墜馬傷前二齒慕容馬即王位因改名缺外以慕容缺為名內
惡而改之尋以讖記之文去夫以垂為名及雋僭稱尊號封吳王建熙十年以車騎大將軍敗桓温于枋頭威名
大震太傅上庸王評深忌之垂遂出奔秦符堅聞垂至大悅郊迎執手禮之甚重王猛惡垂雄畧勸堅殺之堅不從
以為冠軍將軍封賓都侯歷京兆尹符堅敗于淮南垂軍獨全堅以千餘騎奔之世子寶言于垂曰國家傾覆皇
綱廢弛當隆中興之業建少康之功宜恭承皇天之意因而取之垂曰彼悉心投命若何害之乃以兵屬堅垂至渾
池言于堅曰王師不利壯境之民或因此輕重請奉詔輯寧朔裔且龍鄴舊都陵廟所在乞過展拜以申罔極堅
許之權翼諫曰垂爪牙名將今之韓白且世豪東夏志不為人下項以避禍歸誠非慕德而至也恐冠軍之號不飽
其志列地百里未滿其心且垂猶鷹也飢則附人飽便高颺遇風塵之會必有凌霄之志堅曰卿言是也但朕已
許之匹夫猶重信况萬乘之主乎翼曰陛下重小信而輕社稷臣見往不見其還關東之變垂其首乎自涼馬
臺結草筏而渡至安陽修箋于長樂公不垂至館之于鄴西會符暉告丁零翟斌聚眾四千謀逼洛陽于是配垂
兵二千遣廣武將軍符飛龍率兵騎一千為垂之副丕戒飛龍曰垂為三軍之統帥為垂謀之主符暉告急簡書
相尋垂方圖飛龍停河內不進悉誅兵命左右殺飛龍濟河焚橋眾三萬至洛陽符暉閉關門拒守不與交通翟
斌率眾會垂勸稱尊號垂曰新興侯國之正統孤之君也若以諸軍之力得平關東當以大義喻秦奉迎反正誣

上自尊非孤心也乃自稱大將軍燕王承制行事翟斌為建義將軍封河南王弟德為范陽王眾至二十萬濟白石
門長驅攻鄴元年正月朝羣寮于清陽宮以暉在長安依晉愍帝在平陽中宗稱王改年建武故事改秦建元為
燕元元年立太子寶為燕太子攻拔鄴郡丕固守中城垂漸而圍之于魏郡肥鄉築新興以置輜重進師攻鄴開
其西奔之路二年三月丕棄鄴奔并州以魯陽王和為南中郎將鎮鄴十二年垂定都中山建興元年正月羣寮勸
垂正尊號辛卯僭即皇帝位于南郊大赦改元建興立子寶為皇太子十年五月太子寶率眾八萬伐魏范陽王德
為之後繼魏聞寶將至徙于河西寶臨河不敢濟引師還次于參合俄而魏軍大至三軍奔潰寶與德等數千騎
奔免十一年三月垂大眾出參合太子寶出天門垂至參合見積骸如山設祭吊之死者父兄各皆號哭軍哀慟
垂慚憤嘔血因而寢疾築燕昌城而還寶等至雲中聞垂疾皆引歸及垂于平城夏四月薨于上谷之沮陽年七十
二謚武成皇帝廟號世祖

慕容寶

慕容寶字道祐垂第四子元璽四年生于信都少輕果無志操好人從己段后諫垂曰太子資質雍容柔而不斷非
濟世之雄遼西高陽陛下嗣之賢者宜擇一樹之垂不納謂曰汝謂我為晉獻公乎建興十一年四月僭即皇帝
位大赦改元為永康元年寶遣將軍趙王麟逼段后曰常謂主上不能嗣守大統今竟能不宜早自裁以全段氏后
怒曰汝兄弟上逼殺母豈能保守社稷吾豈惜死念國滅不久遂自殺八月立妃段氏為皇后濮陽公榮為皇太子
二年正月魏使修和寶不許二月魏攻中山其夜尚書慕容皓謀殺寶立趙王麟寶與太子榮等萬騎就清河會
于薊以開封公慕容詳守中山五月中山饑麟出據新市魏師戰于義臺敗績南奔魏入中山寶遣御史中丞兼
鴻臚曹遂持節受司空范陽王德丞相冀州牧丞制南夏封公封侯收守三年二月寶發龍城以撫軍慕容騰為前
軍步騎三萬將南伐次于乙連長上段速骨宋赤眉因民之憚遠役殺司空樂浪王宙眾既幸亂投杖奔走寶馳還

莫鬼書

十六國春秋

二二

龍城又與長樂王盛等南奔尚書蘭汗殺速骨等十餘人奉太子榮承制大赦遣迎寶還于薊寶欲北還盛等咸以汗忠欵虛實未明宜就范陽王德寶從之乃自薊而南四月寶至鄴鄴中遺民固請留之寶從南至黎陽城西聞范陽王德稱制懼而退乃還龍城次于廣都蘭汗又遣左將軍蘇超寶具申欵誠忠節無差寶于是命發汗遣弟難率五百騎迎寶至龍城汗引寶入于外邸殺之年四十四殺太子榮及王公卿士百餘人汗自稱大將軍大單于昌黎王年號青龍七月長樂公盛襲誅汗盛即位偽謚寶惠愍皇帝廟號烈祖

慕容盛

慕容盛字道運寶之庶長秦建元十年生于長安二十年符堅誅慕容氏盛東奔既至垂問以西事畫地圖垂謂之曰昔魏武撫明帝之首遂乃侯之祖之愛孫有由來矣于是封長樂公建興六年領北中郎鎮薊進爵為王及寶為蘭汗所殺盛馳討哀因潛結大眾謀討難及汗等斬之建平元年七月告成宗廟大赦改元青龍謙損自卑不稱尊號以長樂王稱制諸王貶爵為公東陽公慕容根等九十八人上尊號盛不許十月根等又請盛許之丙子僭即皇帝位正月朝羣臣於承乾殿大赦建平元年為長樂元年二年正月大赦盛去皇帝之號稱庶民天壬三年八月右將軍慕容國謀率禁兵襲盛前將軍段機等因眾心阻動潛于禁中鼓譟大呼盛聞變率左右出戰眾皆披潰俄有一賊從閣中擊傷足遂取輦昇前殿召叔公河間公熙囑以後事熙未至而薨年二十九偽謚昭武皇帝廟號中宗

慕容熙

慕容熙字道文一名長生垂之少子燕元二年生于長生建興八年封河間王永康初隨寶奔龍城拜司隸校尉長樂元年遷僕射中外都督領昌黎尹盛薨僭即皇帝位大赦改長樂三年為光始元年二年正月熙引見州郡耆舊予言問以民間疾苦司隸部民劉瓚對問稱旨拜帶方太守是春大治宮室至四月立符貴人為昭儀五月築

龍騰苑廣十里餘役徒二萬起景雲山于苑內又起逍遙宮甘露殿連房數百觀閣相交鑿天河渠引水入宮又為符昭儀鑿曲光海青涼池至夏暑熱士卒不得休息渴死者大半四年二月昭儀符氏卒立符貴嬪為皇后九月符后遊政熙從之北登白鹿山東過青嶺南臨滄海冬十一月乃還百姓苦之士卒為狼虎所害及凍死者五千餘人五年十月擬鄴之鳳陽作宏光門累級三層建始元年正月大赦天下三月大史丞梁延年夢月化為五白龍夢中占之曰月臣也龍君也月化為龍當有臣為君寤而告人曰國符其將盡乎是月符后起承華殿高宏光一倍負土於北門土與穀同價典軍杜靜載棺詣闕上書諫大怒斬之后嘗季夏思凍魚鱸久須生地黃皆有司切責不得加以大辟四月符后崩熙悲號躡踊若喪考妣擁其尸而撫之曰體已就冷命遂斷矣于是僵仆絕息久而乃蘇服斬縗食粥百寮于宮內設位哭臨使有司按枝哭者有淚以為忠孝無淚則加罪羣臣震懼莫不含辛以為淚高陽王妃張氏熙之嫂也美姿容熙欲以為殉乃毀其襪中有弊氈遂賜死三女叩頭求哀熙弗許營陵周輪數里下酒二泉內圖畫尚書八座之像熙曰善為之朕將隨后入此陵轎車高大毀北門而出中衛將軍馮跋左衛將軍張興先皆坐事亡奔以熙政之虐也與跋從兄萬泥等三十二人結盟推夕陽公慕容雲為主發尚方徒五千人分屯四門入宮授甲閉門拒守中黃門趙洛生奔告熙熙曰此鼠盜耳勝還當誅之乃收髮貫甲馳還赴難夜至龍城攻北門不尅遂入龍騰苑左右潰散熙微服逃于林中為人執送雲等殺之年三十一葬衡平陵謚曰昭文皇帝

慕容雲

慕容雲字子雨寶之養子祖父高和句麗之支庶自云高陽氏之苗裔故以高為氏寶之為太子雲以武藝給侍東宮永康初拜侍御即以疾去官及熙薨后馮跋詣之告以大謀雲懼跋等強之四月即天王位復姓高氏大赦改建始元年為正始元年國仍號大燕以馮跋為侍中都督中外諸軍錄尚書事武邑公慕容歸為遼東公立燕之

宗社二年冬十月雲臨東堂幸臣離班桃仁懷劍執紙而入稱有所啓抽劍擊雲雲以几拒班桃仁進而殺之立馮跋為主即位偽謚為惠懿皇帝始垂以丙戌之歲建號中山至馮跋之歲歲在己酉二十四年

南涼錄

魏 崔鴻撰

秃髮烏孤

秃髮烏孤河西鮮卑人也八世祖足孤率其部自塞北遷於河西孤子壽闡立壽闡卒孫樹機能立壯果多謀畧太始中殺秦州刺史胡烈於萬斛堆敗涼州刺史蘇榆於金山又殺涼州刺史楊欣於舟嶺盡有涼州之地武帝為之肝食能死從弟務丸代立丸死孫推斤立斤死子思復健立部眾轉盛遂據涼土健卒子烏孤襲位養民務農修結鄰好呂光封烏孤廣武郡公蓋州牧左賢王大初元年正月改元自稱大將軍大單于西平王以弟鹿孤為驃騎將軍俛檀為車騎將軍二年改稱武威王三年正月徙于樂都八月孤因酒走馬馬倒傷脇笑曰幾使呂光父子大喜俄而患甚願謂羣臣曰方難未靖宜立長君言終而薨在王位三年偽謚武王廟號烈祖

利鹿孤

利鹿孤烏孤弟太初二年八月即位大赦改治西平建和元年正月大赦改年延耆老訪政二年羣臣固請即尊號不許九月僭稱河西王三年二月寢疾令曰昔我諸兄弟傳位非子者蓋以泰伯三讓周道以興故也武王創踐實歷垂諸堯之試終能克昌家業者其在車騎乎吾寢疾憊願是將不濟內外多虞國機務廣其令車騎經撫百揆以成先王之志薨謚康王葬西平陵

俛檀利

俛檀利鹿孤弟也少機警有才畧建和三年襲位僭號涼王遷於樂都改為宏昌元年秦遣使拜車騎將軍廣武公四年六月秦遣河右諸軍事涼州刺史鎮姑臧七月燕羣臣於宣德堂仰視而歎曰古人言作者不居居者不作信矣前昌松太守孟暹進曰張文王築城苑繕宗廟構此堂為貽厥之資萬世之業秦師濟河然後瓦解此堂之建年垂百載十有二王唯信順可以久安仁義可以永固願大王勉之檀曰非君無以聞謹言也八月以鎮南大將軍文支鎮姑臧檀遷於樂都雖受制于秦車服禮制一如王也十一月遷於姑臧嘉平元年十一月僭即涼王位於南郊大赦改年嘉平置百官立世子虎臺為太子二年正月以子明德歸南中即將領昌松太守歸雋爽聰悟檀甚寵之年始十三命為昌高殿賦援筆即成影不移漏檀覽而善之擬之曹子建七年俛檀議欲征西乙弗孟暹諫曰連年不收上下饑弊南逼熾盤北迫蒙遜今遠征雖尅後患必深俛檀曰孤將畧地卿無阻眾謂其太子虎臺曰今不種多年內外俱窘事宜西行以極此弊蒙遜近去不能卒來日夕所慮唯在熾盤彼名微眾寡易以討禦吾不過一月自足周旋汝謹守樂都無使失墜俛檀乃率騎七千西襲乙弗大破之獲牛馬羊四十餘萬熾盤乘虛來襲且而城潰安西熾泥自西平奔告俛檀謂眾曰今樂都為熾盤所陷卿等能與吾籍乙弗之資取契汗以贖妻子者是所望也遂引師而西眾多逃返遣征段苟追之苟亦不還於是將士皆散俛檀曰蒙遜熾盤昔皆委質於吾今而歸之不亦鄙乎四海之廣匹夫無容其身何其痛哉吾老矣寧見妻子而死遂歸熾盤六月至西平盤遣使郊迎以上賓之禮歲余為熾盤所鳩謚景王時年五十一虎臺亦為熾盤所害少子保周歸魏魏以為張掖王自烏孤太初元年歲在丁酉至檀薨之歲十有八歲

南燕錄

魏 崔鴻撰

慕容德

慕容德

十六國春秋

慕容德字元明號之少子號每對諸宮人言婦人妊娠夢日入懷必生天子公孫夫人方姓夢日入臍中獨善而不敢言晉咸康二年晝寢生德左右以告方寢而起號曰此兒易生似鄭莊公長必有大德遂以德為名年十二而號薨哀毀過禮年十八長八尺二寸額上有日角偃月星文元璽初封梁公建熙初進號安北將軍封范陽王入為魏尹秦滅燕徙於長安秦伐涼德請征自効後為張掖太守符堅伐晉垂請德為副堅敗德乃隨垂如鄴垂稱燕王復封范陽王建興元年為司隸校尉八年司徒垂臨薨謂太子寶曰鄴是舊都宜委范陽王永康元年以德鎮鄴及寶失中山自龍城奔鄴以德為丞相領冀州牧承制南夏德兄子麟自義臺來奔因說德曰中山既沒魏必乘勝攻鄴雖糧儲素積而城大難固且人情沮動不可以戰及魏軍未至擁眾南渡就魯陽王和據滑臺而聚兵積穀伺隙而動計之上也魏雖拔中山勢不久留不過驅掠而返人不樂從理自生變然後振威以拔之魏則內外受敵使戀舊之士有所依憑廣開恩信招集遺黎可一舉而取之先是慕容和亦勸德南徙於是許之隆安元年正月德率戶四萬三千車二萬七千乘自鄴徙滑臺黎陽魏軍垂至三軍危懼欲徙據黎陽昏日流漸冰合是夜濟訖冰亦尋消德大悅改黎陽津為天子津德入滑臺趙王麟等九十八人上言今中土傾陷龍都蕭條趙魏遺黎鵠企澤阜伏願仰承俯順以承宗廟謹上皇帝尊號德許之令曰假順來議且以燕元故事統行帝制奏詔而已改永康三年為元年大赦殊死已下置百官封進有差寶自龍城南奔至黎陽城西數里伏於河西遣中黃門趙思告北地王鍾曰上以去二月得丞相表即自南征段速骨作逆於乙連今失據來此呼丞相奏迎鍾馳使白狀寶遣思之後見採樵者知德稱帝懼而北奔初符登既滅登弟廣率所部二千來降拜冠軍處之乞活堡至是復叛稱秦王德留撫軍曾陽王和守滑臺德率眾攻廣斬之和長史李辨殺和以滑臺降魏德曰符廣雖平撫軍失據進有強敵退無所托計將安出尚書潘聰曰滑臺四通八達非帝王之居青齊沃壤號曰東秦地方二千里戶餘十萬四塞之固可謂用武之國德猶預未決於是遣牙門蘇撫問沙門朗公報曰山西絕俗之士不應預聞朝議但有待之累非有託無以

立陛下今來即朗之檀越敬覽潘尚書之議可謂興邦之術矣撫又問以年世朗以周易筮之曰燕衰庚戌撫曰幾何曰年則一紀世則及子撫曰何其促乎朗曰卦兆然也豈關人哉撫不敢言德大悅三月德引師而南五月次薛城八月入廣固即皇帝位於南郊大赦改元為建平元年又曰漢宣憫吏民犯諱故改名朕今增一備字以為復名庶開臣子避諱之路於是叙賞有差新舊咸悅十月太極殿門並就以公工張剛為材官將軍上方令二年十月徐州刺史潘聰青州刺史鞠仲來朝燕於延賢堂酒酣德笑謂羣臣曰朕雖寡薄恭己南面在上不驕夕惕於位可稱自古何等王也仲曰陛下中興之聖后少康光武之儔也顧命左右賜仲帛千匹仲疑多陳讓德曰卿知調朕不知戲卿乎卿飾對非實故亦虛言相賞賞不謬如何足謝也韓范進曰臣聞天子無戲言忠臣無妄對今日之論可謂君臣俱失德大悅賜范絹五十匹三年三月德如齊城登營上望見晏嬰塚顧左右曰禮大夫不通城舜平仲古之一賢人達者而生安近市死葬近城豈有意乎青州秀才晏謨對曰孔子稱臣先人平仲賢矣豈不知高其梁豐其禮蓋政在家門故儉以矯世存居湫隘卒豈擇地而葬乎所以不遠門者猶冀悟平生意也德悅之三月以太牢祀漢城陽景王廟遂北登社首山東望鼎足因目牛山問謨以齊之山川賢否故事謨歷對詳辨畫地成圖德深嘉之拜尚書郎五年二月夜地震在栖之難皆驚攬飛散三月德疾動經旬幾於不振會前尚書右丞曹默自冀州來奔以白酒解之乃瘳以默為御史中丞封永熙侯五年正月兄子超自秦還九月汝水竭十一月德疾篤夢號曰汝既無子何不早立超為太子不爾惡人生心戊午引見羣臣於東陽殿議立超為太子俄而震起百僚驚越德亦不安還宮疾甚呼段后公主及超申以後事執超手曰德若至曉更見公卿顧託以汝死無所恨數目視公主欲有所言竟遂不能段后大言今日召董中書造語之超開目額之是夕薨於顯安宮年七十為十餘棺夜分出四門潛瘞山谷莫知其屍所在虛葬於東陽陵謚獻武皇帝廟號世宗在位五年

慕容超

慕容超字祖明德兄北海王納之子秦滅燕以納為廣武太守數歲去官與母公孫太妃就弟德家於張掖德從符堅南征留金刀辭母而去及垂起兵山東張掖太守符昌誅納及德之諸子公孫太妃以者不合刑納妻段氏以懷妊未決執於郡獄獄呼延平德之故吏也將公孫及段氏逃於菴中而生超焉公孫氏臨卒授金刀曰聞汝伯已中興於鄴都吾朽病將沒相見理絕汝脫得東歸可以此刀還汝叔也後因呂隆歸秦徙涼州民於長安超因而東歸母謂超曰母子得全濟者呼延氏之力也惠而不報天不祐人乎今雖死吾欲為汝納其女以答厚惠於是納之超至長安佯狂行乞由是往來無禁濟陰人宗正謙善卜相西至長安賣於路超行而遇之因就謙相謙奇其姿貌超乃內斷於心不告母妻辭母詣霸上乃與謙俱歸至諸關禁自稱張伏生二十日達梁父建平六年四月至廣固呈以金刀且宣祖母臨終之言德撫之號慟超身長八尺腰九圍姿器魁傑有類於德德愛之名之曰超封北海王拜侍中驃騎大將軍司隸校尉開府置佐十一年立為太子已未僭即皇帝位大赦改建平六年為太上元年三年七月遣中書令韓範聘秦姚興許還超母妻八月秦使兼員外散騎常侍韋宗還聘贈以千金超復遣右僕射張華給事中宗正元聘奉送太樂伎二百二十人姚興大悅還超母妻十月華發長安宗正元聘先反命超悅遣征虜公孫五樓率騎二千迎於境上超親率六宮迎於馬耳關四年正月大赦尊父北海穆王為穆皇帝母段氏為皇太后居長樂宮妻呼延氏為皇后五年二月晉相劉裕率眾來伐三月晉師渡淮超聞晉軍之威自率眾四萬拒戰大敗奔還廣固徙郭內民入保小城晉攻臨大城長圍列守超請為藩臣以大峴為界裕不許六年正月超登天門朝羣臣於城上殺馬以饗將士文武皆有遷授二月尚書悅壽開門納晉師超出奔為晉師所執送建康市斬之時年二十六殺鮮卑王公已下三千餘人以男女萬餘口為軍賞始建平元年歲在己亥僭號居齊王為劉裕所滅在己酉年二十一年

西秦錄

魏 崔鴻撰

乞伏國仁

乞伏國仁隴西鮮卑人其先自漢北南出太陰山五世有祐鄰者晉太始初率戶五萬遷居高平川鄰卒子結權立遷於牽屯結權卒子利那立利那卒弟祁瑒立祁瑒卒利那子述延立遷於苑川述延卒祁瑒子儁太寒立石勒之滅劉曜也懼而遷於麥田元孤山太寒卒子司繁立秦始皇中遷於度堅山建元七年秦將王統來伐繁率騎三萬拒統於苑川統潛襲度堅山部民五萬餘落悉降於統司繁乃詣統歸降符堅拜南單于留之長安後以為鎮西將軍鎮勇士川甚有威惠之稱司繁卒國仁即位聞堅征晉奔敗國仁收眾至十餘萬又聞堅為姚萇所殺於是自稱大都督大將軍大單于領秦河二州牧改秦建元二十一年為建義元年置武陵苑川等十一郡築勇士都城以都之三年符登遣使拜仁大將軍苑川王四年六月薨偽諡曰烈王廟號烈祖

乞伏乾歸

乞伏乾歸國仁弟雄武有度畧仁薨羣僚以仁子公府幼稚乃立乾歸為將軍大單于河南王大赦改四年為太初元年立邊氏為后以南川侯出連乞都為丞相九月遷於金城二年正月符登遣使拜為大將軍金城王六年六子熾盤為太子七年登遣使授左丞相河南王假黃鉞加九錫之禮十月成王楊定步騎四萬來伐乾歸勒眾而進大敗定軍斬定及首級萬有七千於是盡有隴西之地十二月僭稱秦王大赦八年呂光來伐歸乃稱蕃遣子勃勃為質既而悔之十三年秦征西大將軍姚碩德率眾來伐入自南安峽歸次於隴西以拒碩德興潛師繼發乾歸聞兵將至率輕騎數千侯與俄與中軍相失為與追騎所逼戰敗遁歸苑川乃率騎數百馳上允吾禿髮利鹿孤逆歸之於晉興乾歸將叛謀世懼為利鹿孤所害謂其子熾盤曰姚興將盛吾將歸之今送汝兄弟及汝母為質於是

送熾盤兄弟於西平乾歸遂奔長安姚興大悅拜持節都督河南諸軍事河州刺史歸義侯十四年遣乾歸還鎮苑川盡以部民配之十八年正月乾歸至長安十九年五月苑川地震裂正月又朝長安二十年姚興慮乾歸終為西州之患留拜主客尚書以其子熾盤為西夷校尉行河州刺史二十一年熾盤以長安亂將始乃招結諸部築城於燥琅山以據之更始元年乾歸隨姚興如平流熾盤攻抱罕尅之遂遣使來告乾歸乾歸奔還苑川遂如抱罕留熾盤鎮之乾歸將衆二萬遷於度堅山諸將勸稱王七月僭稱秦王大赦改年置百官公卿以下皆復本位四年五月乾歸敗於五谿山有梟集於其手乾歸惡之六月為兒子公府所殺公府出奔熾盤遷於抱罕遣弟廣武將軍智達追擒公府於燥琅山南輾裂之八月葬乾歸於抱罕陵仍偽謚武元王廟號高祖

乞伏熾盤

乞伏熾盤乾歸長子乾歸薨自稱大將軍河南王改元為永康元年以尚書令翟勅為相國封拜各有差二年熾盤討吐谷渾別統旁行長柳川掘達於渴渾川大破之俘獲男女二萬三十五年正月有五色雲起於南山熾盤大悅謂羣臣曰吾今年應有所定王業成矣於是繕甲整兵以伺四方之隙五月聞俛檀西征率步騎二萬襲樂都俛檀降遂并南涼兵強地廣十月僭即秦王位置百官立妻禿改氏為王后四年熾盤子元基自長安逃歸拜尚書左僕射建宏元年立第二子慕末為太子領撫軍大將軍都督諸軍事元赦熾盤寢疾顧命太子慕末乃薨於外寢六月葬武平陵謚文昭王廟號太祖

乞伏慕末

乞伏慕末字安石熾盤之第二子幼而好學有文才建宏元年立為太子熾盤薨僭即秦王位大赦改元為承宏元年二月立萬載為太子二年九月部民多叛慕末焚城邑毀寶器率戶五千東如封為赫連定所拒遂圍安南十一月魏遣尚書庫結率騎五千迎慕末衛軍吉毗固諫以為不宜遂內徙徙之庫結引還四年赫連定遣其叔北

平公韋代率衆一萬攻南安城內大饑人相食傳侍中乞伏延祚吏部尚書乞伏跋跋踰城奔末乃銜壁出降送於上邽及宗族五百餘人悉為赫連所誅自國仁建義元年乙酉歲壬辛未四十七年

北燕錄

魏 崔 鴻 撰

馮 跋

馮跋字文起長樂信都人其先畢萬之後也子孫食采馮鄉因以氏焉晉永嘉之亂祖父和避地上黨父安雄有器量為慕容永將永滅跋東徙和龍家長谷中跋夜夢天門開神光赫然燭於庭中永康末拜中衛將軍建始元年與二弟結謀襲殺慕容熙立高雲為主正始元年以跋為中外都督開府儀同三司錄尚書事封武邑公太平元年雲為其辛臣離班桃仁所殺帳下督張秦李桑誅班及仁羣臣推跋為主僭即天王位大赦令曰義貴通時不必改作故陳氏代姜不徙齊號即號燕國改為太平元年追尊祖和為元皇帝父安為宣帝子永為太子三年七月以太子永領大單于內置四輔七年建大學以長樂劉軒營正張熾成周翟崇為博士簡二千石已下子弟年十五以上教之十四年宿軍地燃一旬乃滅十七年二月北部人趙壽女既嫁化為男娶妻而無子跋問諸羣臣曰此何祥尚書左丞傅權對曰漢世雌鷄為雄陰變為陽君替臣僭之象卒有婦人專寵王莽篡位今女為男臣將無君之徵跋曰將何以讓之權曰桑穀生朝太戊修德而殷道中興熒惑守心宋景貴躬延齡二紀唯修身崇善可以轉禍為福十八年八月立子翼為太子跋戒之曰吾聞君人以學為本不學無以立尊敬師傅人倫之始汝其夙夜虔虔欽承明訓二十二年八月跋寢疾召中書監申秀侍中楊哲於內寢謂之曰吾患當不濟卿等善相吾子參決萬機九月跋疾甚輦而臨軒命太子翼勒兵聽政以備非常宋夫人規立其子受惡翼聽政謂之曰上欲將瘞奈何便欲代父臨天下乎翼性仁弱遂還東宮一日三省疾宋夫人矯絕內外遣閹寺傳問而已翼及大臣皆不得見跋弟宏於

是與壯士數千人裹甲入禁中宿衛皆不戰而敗宋夫人命閉東閣宏家僮庫斗頭勁捷有勇力踰閣而入至於皇
堂射殺御女一人跋驚懼而薨宏遣修城告曰天降凶禍大行崩背太子不侍疾羣公不奔喪疑有逆謀圖危社稷
吾備太弟之親遂攝大位以寧國家百官叩門入者進階二等太子翼率東宮兵出戰敗退兵皆奔散宏遣使賜死
命宗正馮哲黃門盧招典葬事於東宮葬於長谷陵偽謚文成皇帝廟號太祖

馮宏

馮宏字文通跋之季弟高雲篡位拜中領軍封汲郡公太平元年拜尚書右僕射改封中山公遷尚書令司徒錄
尚書事宏即天王位大興元年正月壬午朔大赦改年二月立夫人慕容氏為皇后二年正月立少子王仁為太子
六月有鼠集城西盈數里地中西行至水前銜馬尾後者迭相銜尾而渡識者以為民遷之象七月魏師來伐神
高八月召城邊東營工城周四郡並降魏九月魏師還宏徙民四萬餘戶而西三年六月魏永昌王來伐五年四月
遣右衛孫德乞師於宋十二月又遣尚書楊伊請迎於句麗六年二月端門崩四月魏又遣侍中建興公虞弼東
平公鵠青來攻尅白狼句麗將葛居孟光率眾數萬隨楊伊來迎屯於臨川尚書令郭生因民之憚遷開門而引
魏軍魏軍疑而不赴生遂勒眾攻宏宏引句麗兵入自東門與生戰於闕下生中流矢卒句麗軍既入城取武庫甲
以給其眾城內美女皆句麗軍人所掠五月乙卯宏率龍城萬戶東徙焚燒宮殿火一旬不絕令婦人被甲居中楊
伊等勒精兵於外而居光率騎後殿方軌而進前後八十餘里魏軍追至遼水不擊而還遣使徵宏於句麗後二年
為句麗所殺偽謚昭成皇帝自馮跋太平元年歲在乙酉至宏滅亡之歲丙子二十八載

夏錄

魏 崔鴻撰

赫連勃勃

赫連勃勃朔方人匈奴左賢王去卑之後劉元海之族也曾祖名武前趙嘉平中以宗室封樓煩公拜安北將軍丁
零中郎將祖豹子後趙建武中拜平北將軍左賢王父衛辰符堅以為西單于督攝河西諸虜屯於代來城因秦
末兵亂遂有朔方之地控弦之士三萬八千姚襄拜辰大將軍河西王大單于魏師來伐辰遣子力侯提率騎二
萬拒戰河東為魏所敗遂乘勝濟河攻尅代來執辰殺之勃勃辰第三子奔秦高平公沒奕於奕於妻之以女姚興
以勃勃為持節安北將軍五原公配以三交五部鮮卑及雜虜二萬餘落鎮朔方時河西鮮卑杜嵩獻馬八千足於
秦濟河至大城勃勃留之召其眾二萬襲殺高平公沒奕於而并其眾眾至數萬自稱天王大單于大赦改宏始
十年為龍昇元年置百官以匈奴夏后氏之苗裔稱大夏以大兄右地代為丞相代公發領北民夷十萬於朔方
黑渠之界營起京城大赦龍昇七年為鳳翔元年令曰朕之皇祖北遷幽朔改姓妣氏後從母為劉氏從母姓非
禮也古之氏族無常王者繫天為子是為微赫實與天連今改姓曰赫連氏庶協皇天之意庶非正統者以鐵
伐為氏庶朕宗族子孫剛銳如鐵皆堪伐人二年立夫人梁氏為后立子瓚為太子四年九月劉裕滅秦入於長安
十二月裕留子義真鎮長安而還勃勃大悅遂圖進取之計遣太子瓚率騎二萬南伐長安五年義真遺龍驤將軍沈
田子率眾逆戰瓚擊敗之退屯列廼堡八月勃勃進據咸陽劉裕大懼乃召義真鎮洛陽勃勃入長安正月群臣
勸勃勃稱皇帝三月築壇於霸上即皇帝位大赦改鳳翔六年為昌武元年冬十月太子瓚領大將軍雍州牧錄南
臺尚書事鎮長安十一月勃勃還統萬統萬勃勃所都之城名也所建宮殿苑囿大成遂大赦改昌武二年為真興元年刻石都
南頌紀功德四月追尊父衛辰曰桓皇帝廟號太祖母符氏為皇太后祖父豹曰宣皇帝曾祖武曰景皇帝高祖訓
芝曰元皇帝五月雨魚於統萬二年十月起冲天臺於統萬年山欲登之以望長安六年勃勃將廢太子瓚為秦
王以酒泉公倫為太子瓚聞將廢已率眾七萬北伐倫率騎三萬拒之戰於平為瓚所敗倫死之太原公昌率騎
一萬襲殺瓚率眾八萬五千歸於統萬勃勃大悅立昌為太子七月勃勃寢疾甚輦昇永安殿召羣臣囑以後事薨於

永安殿年四十五謚武烈皇帝葬嘉平陵廟號世祖

赫連昌

赫連昌一名折勃勃之第三子身長八尺魁岸美姿貌勃勃薨即位於永安臺大赦改真興七年為永光元年七月查城劉暗川有青石大如馬頭浮在水上逆流而行人見而送之十月魏乘虛來伐二年五月戰於黑渠為魏所敗昌與數千騎奔還魏追騎亦至昌留河內公費連高提守高平徙諸城民七萬戶于安定以都之四年二月魏軍至安定攻城三月城潰昌奔秦州魏東平公鴉青追擒之送於魏魏封昌秦王尚始平公主為魏所殺

赫連定

赫連定勃勃第五子鳳翔二年封平原公雍州牧鎮長安率眾赴安進封平原王大將軍領司徒昌為魏所擒定遂率遺眾數萬據平原潛稱皇帝大赦承光四年為勝光元年進征南大將軍白蘭王吐谷渾莫漬為開府儀同三司河南王十月敗于陰盤登奇藍山而望統萬城泣曰先帝以朕承大業者豈有今日乎使天假朕年當與諸卿建王季之業俄而有孤羣百數鳴于定傍令射之無所獲定惡之曰此大不嘉吐天道復何言哉二年秋魏軍來襲十月尅安定進攻平原十一月定遂掠民五萬戶西奔上邽四年河南王莫瓚因戎狄之眾東面以爭天下魏遣益州刺史沒利延州刺史拾虎率騎三萬來伐遂擒定送于魏勃勃初號龍昇元年歲在丁未至是歲在辛未二十五年也

識

右崔鴻十六國春秋按魏書鴻以劉淵石勒慕容苻健慕容垂姚萇赫連勃勃張軌李雄口光乞伏國仁禿髮烏孤李嵩沮渠蒙遜馮跋等並因世故跨僭一方各有國土未能統一鴻乃撰為十六國春秋勒成百卷因其舊記時有增損褒貶而以世仕江右故不錄晉劉勳之書又別作序例一卷凡一百二卷劉知幾史通云鴻初求

諸國史獨闕蜀事推求十有五年始於江東購獲乃增其篇目勒為十卷隋志凡百卷唐志一百二十卷宋國史志祇有二十餘卷而文獻通考并不著錄則是陳二家必俱未見此書也按是說之云司馬溫公修通鑑所考十六國春秋非鴻全書則在宋時已散軼久矣故經義考列入佚書門且云今世所傳十六國春秋乃後人采晉書北史冊府元龜太平御覽等書集成之非原書也若叢書本凡十六國各為篇卷又祇存其略云汝上王謨識

三國志辨誤

提要

臣等謹案三國志辨誤一卷不著撰人名氏原本於是字皆缺筆疑或宋之遺民為端宗諱然無顯證莫之詳也其書皆辨陳壽三國志及裴松之註之誤凡魏志二十一條蜀志七條吳志十四條三國志簡質有法古稱良史而如孫權之攻合肥魏吳二志後先不同當時已為孫盛所評議洎行世既久傳鈔脫誤尤所不免是書於踏駁之處分條臚列其間為字之訛異者如二少帝紀定陵侯繁當作毓少府裒當作表之類文之倒置者如正元二年八月戊辰不當在辛未後之類正文與註淆亂者如王肅傳評未附劉寶語本裴註所引而混入之類原本之缺佚者如吳志徐詳不當附胡宗傳之類皆確有依據又如杜夔傳左願當作左驥一條引文選李善注云驥與顛同音而今本善注中無此文亦可以參考同異至步騭傳一條稱曰公謫程普如夏侯惇傳中以關雲長為曰布云云今按惇傳載建安二十四年太祖軍擊破呂布軍于摩陂是時呂布已亡核之蜀志及通鑑正曹操與雲長相拒之事所言蓋即指此然當別有辨正自為一條不容僅附識一語疑書中已有所脫佚非其舊矣又書中所辨大抵以前後文互為核校而參以後漢書晉書未能遠引博徵以相參證殆裴註已極詳核故不能度越其外歟要其抉摘精審固亦劉氏刊誤吳氏糾繆之流亞也乾隆五十一年二月恭校上總纂官臣紀昀陸錫熊孫士毅總校官臣陸費墀

三國志辨誤

宋亡名氏著

魏武帝紀建安二十三年漢太醫令吉本與少府耿紀司直曹晃等反本後漢書作丕而魏郎中魚豢所著魏書其記吉令事名已從本始魏臣自以避文帝諱改陳氏乃仍魏史之舊耳東漢杜操字伯度及魏代避諱易為杜度

至晉人猶因之如衛恒四體書序可證也本舉事之詳見下條裴氏引擊虞法錄注云其子曉穆之字亦且載焉而獨逸本字殆亦以字易名如杜度之例故不可並書耶擊注當沿魏代舊文猶四體書序也

明帝紀 新城太守孟達反文帝與孟達書保官空虛初無資任按資當作質魏制凡鎮守部曲將及外州長吏並納質任有家口應從坐者收繫保官時帝持欲撫慰初附故為此華言耳 詔太尉司馬宣王帥眾討遼東注何曾表手足相展按手晉書何曾傳作才

三少帝紀 遣芳歸藩於齊注廷尉定陵侯臣繁按繁當作毓此鍾毓也本傳可攷又少府臣復復當作表特鄭表為少府將作大匠渾之從子也其歷官詳見晉史 正元二年春正月乙丑母邱儉反戊戌司馬景王征之癸未郭

淮亮案乙丑癸未之中不容有戊戌當是戊辰之誤如甘露元年五月乙亥諸葛誕反越二日丁丑即下詔親征是也又正元二年八月辛未以鄧艾與陳泰併力拒姜維戊辰復遣司馬孚為後繼按戊辰不當繫辛未後殆傳錄者倒其文耳又景元二年八月戊寅趙王幹薨甲寅復命大將軍進爵晉公以戊寅推之是月不當復有甲寅兩寅字定有一誤又咸熙元年正月壬辰檻車徵鄧艾甲子行幸長安壬申遣使者祀華山以甲子壬申推之是月不當有

壬辰當是壬戌之誤觀下文二月辛卯赦益土庚申葬郭皇后二事則知辛卯是二月朔日壬辰乃二月二日也

卞皇后傳 文帝欲追封太后父母因陳羣之奏而止至明帝乃追謚太后祖父廣曰開陽恭侯父遠曰敬侯祖母周封陽都君及恭侯夫人皆贈印綬案祖母之祖疑行以疏封之次言之下后母於文帝為外祖母若祖母則為外曾祖母明帝推恩理應先封后母不當反舍后母而獨封后祖母也况下文有及恭侯夫人皆贈印綬語其文義尤明

董卓傳 卓以城門校尉伍瓊賣已斬之裴氏注既引謝承後漢書伍子刺卓見殺事又曰承記字字及本郡則與瓊同而致死事乃與卓異不知字為瓊之別名為別有伍字也按城門校尉伍瓊被殺在關東義兵初起卓未西遷

之前而首傳載卓從都後攸與越騎校尉伍瓊等同謀刺卓事垂就而覺則當時自有兩伍瓊謝承所記乃與首攸同謀刺卓之人故稱乎官悉與志合則乎為瓊之別名無疑也至二人名字並同者是猶同時有二劉岱皆字公山也

張魯傳 雄據巴漢垂三十年注典略曰熹平中妖賊大起光和中東方有張角漢中有張修裴松之謂張修應是張衡非典略之失則傳寫之誤衡氏見魯傳裴氏蓋據本傳言之也案後漢書靈帝紀張角張修並以中平元年反章懷注修事引漢侍中劉文紀與典略之文合劉紀出典略之前不應有誤修衡二人雖同為五斗米道而衡匿跡深山無阻兵作亂事與反逆之妖賊自覺異也

荀彧傳 唯嚴象為揚州韋康為涼州後敗亡注引三輔決錄按決錄下脫注字趙岐決錄序曰其人既亡行乃可書嚴象敗沒在決錄成書後至韋康遇害岐卒已久尤不相及也其為擊注無疑 或兄行以功封列侯注閱從孫暉字景文與賈允共定音律按暉當作暉音當作晉見晉書賈允傳或長子暉於暉為大父行則暉命名自不應同也

郝原傳 是後大鴻臚張泰注張邈宦歷二官案官當作官歷二官者謂以朝臣而更為東宮官屬也語見吳志薛綜傳注

華歆傳 子表嗣注司空陳泰等以此稱之案華表以咸熙中為尚書則其官散騎侍郎當在文明之世是時陳羣為司空泰之父也羣以司空錄尚書事凡散騎奏議無不綜典故悉表之為人而稱之耳雖諸書亦有錄泰之贈官而稱司空者然當表為散騎時泰方名微位卑朝士似不假其品藻為重也泰當作羣又司隸王密按密當從晉書表傳作弘弘弼之兄也別見鍾會傳注

臣於本傳略無本辭豈應於評中反撫其短乎况陳評二句辭意已足其下不容更贅他語又易了也
張既傳 既與夏侯儒擊破之注儒初為鄆陵侯彭驍騎司馬宣王為征南將軍都督荊豫州按驍騎司馬句絕鄆
陵北征以北中郎行驍騎將軍時儒從兄尚為長史儒則為司馬從征也宣王二字有誤為征南上兼有脫文宣王
嘗以驍騎將軍都督荊豫不在四征之列蓋為征南都督荊豫者即儒也以下文樊城受圍儒坐遲救召還事觀之
義自明矣

杜畿傳 或謂畿曰宜須大兵按或當作或畿自西平移守河東雖由荀彧之薦而是時畿在陝津或留許下不得
參預軍謀殆因前有荀或字而致誤

許褚傳 從征張繡先登斬首萬計按萬疑當作百褚雖驍勇安能手斬萬級恐因百萬二字相近致誤耳 褚兄
定亦以功封為振武將軍按將軍乃官號非國邑不當言封而上文進年鄉侯當作進封蓋功下行字正前所脫也
陳思傳 志累增邑并前九百九十戶案魏室諸王至正元景元間普增封邑其戶皆累千即如平陽成武二公亦
皆踰千戶矣思王初封於陳已有邑三千五百戶至子志嗣爵又累增邑乃并前評之止有九百九十戶必傳寫脫
誤也 評後注魚豢語通鑑亦引之至于植者下通鑑有豈能興難一句以文義求之此語斷不可刪通鑑所記漢
末三國事間有採陳志所遺者自范史袁紀晉書外皆不出裴氏所引諸書別無異事足知魚豢王沈諸史當纂長
編時已多不存故惟以國志注為據也然則此注所少四字必非裴氏所及乃後來刊本脫落耳

和洽傳 禽弟適按適當作適注同三少帝紀甘露二年帝臨辟雍賦詩侍中和適等作詩稽留即其人也又晉書
和嶠傳亦可攷

韓暨傳 進封南鄉亭侯案此與滿寵王凌由亭侯晉封南鄉侯同亭字衍
田豫傳 公孫瓚使豫守東州令按東疑當作泉泉州縣名屬漁陽郡

牽招傳 招子嘉嗣注文辭尤厲按尤當作元見晉書牽秀傳

郭淮傳 涼州休屠長率種落附雍州淮奏請使居安定之高平為民保障其後因置西川都尉案川當作州晉泰
始中中丞傳休奕上疏措置秦隴事請更置一郡於高平因安定西州都尉徙民充之以通北道是其證也

胡質傳 復與周平注詔歷二官吏部郎二官當作二官此與前張邈官歷二官之誤同據晉史詔歷吏部郎太子
右衛率故云爾

杜夔傳 又嘗今夔與左願等案左願緊欽與魏文帝牋作左願見文選李善呂向注引夔傳並與牋合善又云願
與顛同音由善注觀之夔傳此事本作顛當是後來傳錄者易為顛而作願者又顛之傳訛也

蜀劉焉傳 董扶求為蜀郡西部屬國都尉反太倉令會巴西趙韞韞官俱從焉案會字疑行太倉令屬大司農趙
韞蓋韞此官而與扶皆隨焉入蜀也上云侍中將漢重扶繼云太倉令巴西趙韞正並舉二人之爵里也

法正傳 評後注先主與曹公爭一條當在正傳後裴氏以葛相有考直若在必能制主上令不東行之歎故引此
事為證見正知術有餘能迴劉主之意耳今誤移評後并脫所引書名皆傳錄之失也

費詩傳 往年南征歲未及還案未及當作未乃據後主傳亮以建興二年二月南征十二月還成都故曰歲未乃
還也

馬忠傳 進封彭鄉亭侯按忠由亭侯進封鄉侯彭鄉下行一亭字

費禕傳 封成鄉侯注譏其不意按譏當作譏與魏延使纜儀未發之纜同

吳子遠贊 贊注徙亭侯進封南陽鄉侯案此與後輔元弼贊注徙鎮南為右將軍同兩徙字並當作徙

馬承伯贊 贊注復為飛參軍按飛字行張飛卒於建興前時承伯蓋自郡守入參丞相軍軍耳曰復為者蒙上從
事丞相據言之

漢魏叢書

吳孫權傳 遺使者羊銜鄭曾注曹父札權為驃騎將軍以札為從事中郎又後朱然圍樊注零陵太守殷札三札字並當作禮張昭傳注作鄭禮顧邵張溫趙達傳作殷禮此字有古今之異耳此正如宏左本一字權傳注中謝宏屢見而陸遜潘濬傳皆作謝宏是也

孫亮傳 太元元年權寢疾明年亮太子即尊號大赦改元亮之改元既不遵踰年之制則本傳於其踐阼後當即繫新君所改之號而下文之二年方可蒙上言之耳如蜀志後主傳章武三年夏五月後主襲位於成都大赦改元下即書建興元年夏是也閏月上疑脫建興元年四字 二年有大鳥五見於春申明年改元案亮之改元若果以明年不必先記于是歲當作改明年元如孫權黃龍三年會稽言嘉禾生改明年元又孫皓建衡三年西苑言鳳凰集改明年元是也

孫休傳 從中書郎射慈郎中盛冲受學案射慈疑謝慈之誤謝慈見孫奮傳觀裴氏注知慈為時碩儒故休從受學也慈事注奮傳而前無注者是猶留贊先見孫亮傳而贊之事跡皆注在孫峻傳中也射氏系出北地當孫吳之世不聞有并涼舊姓仕於江東者

張昭傳 昭弟子奮領兵為將軍至平州都督案吳無平州當是半州之誤吳王子建昌侯慮嘗鎮半州又大將甘寧潘璋亦嘗屯此乃中流重地故特置都督如西陵濡須之比也

步騭傳 太子登與騭書騭條諸葛瑾陸遜朱然程普等十一人甄別行狀因上疏獎勵案騭所條上諸臣皆當時有聲績於荊州者程普之卒在吳主稱尊號前不應亦列其中恐傳錄誤也時呂岱在荊州其民跡亦葛陸之亞騭獨遺之為不可曉或程普乃呂岱之諱如魏志夏侯惇傳中以惇長為呂布也

陳武傳 徙太子中庶子拜翼正都尉按徙當作從中庶子乃表初除之官非遷改也此與張休從中庶子轉右弼都尉同 嘉禾三年以表領新安都尉案安當作都是時新都猶未改新安又諸葛瑾傳注引吳書亦云新都都尉

陳表元明證也

凌統傳 從往合肥往當作征 卒年四十九案統父操以漢建安八年從征黃祖戰沒統時年十五及十一年即預討麻屯之捷後至四十九而卒則吳之赤烏中也統自攝領父兵屢立戰功為時名將若赤烏中尚在則從征合肥還二十年間統之官力戎行多矣何更無功可錄乎據駱統傳凌統死復領其兵在隨陸遜破重軍之前然則統之年當在三十左右本傳所云乃錄之誤

丁奉傳 進封都亭侯按亭當作鄉奉已封亭侯更封鄉侯斯為進爵耳如陳武是儀皆由都亭侯進封都鄉侯是也建衡元年奉攻晉穀陽無所獲皓怒斬奉道暉三年按三年下脫一卒字奉卒于建衡三年別見孫皓傳

朱然傳 魏將蒲忠吳質各將數千人注魏志及江表傳案朱當作書此謂王沈等所撰之魏史也 又陸遜亦本功臣名將存者惟然案本當作卒句絕曰亦卒者蒙上葛步二人言之據孫權傳遜先然五年卒

虞翻傳 太元末徐陵注徐平兩婦歸宗敬奉情過于厚兩婦當作兩姊曰歸宗又曰敬奉必女兒也 歸葬舊墓注桓文遺之尺牘之書文似當作王謂長沙桓王也又虞士鄧盧叙鄧恐當作鄧否或劉字之謬案朱育舉上虞陳業以下十餘人應郡守之間其人皆不出本郡鄧乃汝南屬縣與會稽無預

駱統傳 封新陽亭侯黃武七年卒凡列侯之歿其有子嗣爵與否史必詳書之而統與是儀傳獨闕疑有脫文統子名秀為特顯士見陸遜傳注又孫休傳中有司鹽駱尉駱秀即其人也則統非無後者

鍾離牧傳 九禕嗣注盛以施績留建平智略名將屢經於彼案留下衍建字此因上有建平字而複出也留平見孫休傳平以永安六年以西將軍率眾圍巴東數月乃還則平之經信陵者屢矣

陸凱傳 轉左虎林案左當作在如王昶從兗州轉在徐州張飛從疑都轉在南都是也

胡綜傳 徐詳者字子明吳郡烏程人也先綜死案志中凡不立傳而附見他傳者雖有事跡可稱評中皆不及之

綜傳次是儀傳詳事及附綜傳後而陳氏評詳與是儀胡綜同日為孫權時幹興事業者而尤稱詳之數通使命無傳可疑乖史例且詳通使曹公惟一見孫權傳中如陳氏之評則詳固屢嘗奉使稱旨矣前既不著其事而後忽出此評更所未喻也觀評中先詳後綜則非附見綜傳者甚明意詳當自有傳在綜傳之前而偶逸之今綜傳後數語則出自後人附益也據江表傳詳嘗以侍中偏將軍為節度官掌典軍糧亦可略見其幹略餘則無從攷證矣

